



hioria (2) zwei Tafeln + ein Kupfertitel.

~~C 8006~~ Ud 9210

Christiana

K u s  
der Bibliothek des Klosters Leubus.

0645482

Biblioteka Jagiellońska



stdr0012433

Ad.: Ud 9210





OBSIDIO CLARI MONTIS  
DEIPARÆ IMAGINE A. D. LVCÆ DE

CZESTOCHOVIENSIS  
PICTÆ IN REGNO POLONIÆ

Ab Exercitu Suecorum, Duce Burchardus Mellero Generali Legato.  
Authore STANISLAO KOBIERZYCKO ROBIENSO VCL. PALATINO POMERANIÆ, SKARSCYENSI PRÆFECTO  
DANTISCI Sumptibus GEORGII FÖRSTERI, S. R. M. Bibliopole. A. 1659.





VERBI  
INCARNATI  
VIRGINI MATRI,  
REGINÆ POLONIÆ.



ADVOLOR supplex  
*Majestatis Tuæ* pe-  
dibus, ô *Cæli, Terræ-*  
*que Regina*, & quod  
in publicis *Patriæ*,  
meisque privatis ca-  
lamitatibus *Votum* conceperam,  
jam debitor exolvit calamus. Non  
equidem pro dignitate ad Beneficii  
tui deprædicandam magnitudinem  
affurgit: quis enim unquam ad eam  
pertingat *Celsitudinem*, quæ super  
-10M \* 2 omnes



omnes Cœlestium Spirituum Choros exaltata, *Divino proxima Throno* sublimis corrufcat. Quis parem referat gratiarum actionem, quando Beneficii excellentia verborum copiam supprimit, omnemque supra est humanam facundiam. Vetat nihilominus filere gratus animus & non tantum suspirio, sed etiam balbutienti clientis stylo, *Beneficæ Domine Patrocinium* jubet profiteri.

*Divus  
Bona-  
ventura  
Opusc. de  
laudibus  
Mariæ.*

Quippe: *¶ Post Deum major nostra gloria & majus nostrum gaudium ex MARIA est.*

*Antonius  
Escobar.  
in Euan.  
Sanct.  
vol. 3.  
lib. 3.*

Specialem præ ceteris nationibus tuum ô *Virgo* affectum vindicare nititur suæ Hispaniæ Hispanus Scriptor: non improbo piam ambitionem, sed tamen scio, te universi Mor-

Mortalium generis communem esse *Advocatam*: ideoque *Beatam te* dicunt omnes generationes, & nostra *Polonia* tantò specialius *Beatam* deprædicat, quantò impensiori *Majestatis tuæ* cura fovetur, ac protegitur. *Majestatis*, inquam, *Reginalis* quandoquidem *Reginæ Poloniæ* ipsa tibi titulum assumpfisti. Et *Regni* quidem *tui* erexisti *Solum* in *¶ Claro Monte*, unde jura dares populis, unde fatifcenti *Poloniæ* consilia & auxilia subministrares. In hoc *¶ Monte* & Deum tuâ placatum prece adoraverunt Patres nostri: in hoc *¶ Monte* & deposito diademate Reges, supplices tuam venerati sunt clementiam, relatasque ex Oriente, Septentrione, ceterisque

*Commune Propitiatorium vocat, Andr. Cretej. Encom. de Dormit. Virg.*

*Patri Mancinello re-velavit.*



risque partibus, in tuum gremium deposuerunt laureas.

Sed hæc nupera Poloniæ Metamorphosis, tuum, *ô Virgo*, super omnem sæculorum memoriam, singulare beneficium recognoscit, tibi que post Deum debet, quòd in finem non sumus consumpti. Invasit induciarum fide securum Regnum hostis, Nobilitas repentinâ tempestate obruta, oppressaque Duces belli, militiaque coarctata, ad illius declinavit Obsequium. Rex desertus ultra fines patrios se recepit: *tu Regina* in *¶ Clari Montis* & residens Throno, non deferis Regnum, arripis regimen, sistis hostiles impetus, frangis contumacem, propeque universæ Poloniæ accessione,

tu-

tumentem spiritum: Obsidetur tua Regia, unica mora Sueticæ fortunæ, ades fortissima Judith, hostibus exitialis, victrixque profers eadem verba: quæ illa Bethulix suæ gloria, tuus verò olim typus profudit ¶.

*Vivit Dominus quòd non permisit me ancillam suam coinquinari, sed sine pollutione peccati revocavit me gaudentem in victoriâ suâ, & in evasione meâ.* ¶ Non permisit Deus Locum tibi Sacrum dissidentium in religione pedibus coinquinari, insiderique; non permisit impuri oris blasphemiis pollui, impudicisque exponi contumeliis, eam *Imaginem*, quæ Constantinopoli celeberrima, (mirum dictu,) Iconomachorum per septuaginta, & amplius annos, sæ-

vien-

Judith.  
Cap. 13.



vientium crudeles evasit manus.

Revocavit te Dominus, ô *pulcher-  
rima Virginum*, gaudentem ex victo-  
ctoria suâ, quando omnes conatus  
invalidi resiliens à mœnibus glo-  
bi, ignes frustra jactati, Mons pa-  
lam & ligonem aspernatus, pusilla  
defensorum manus, imbellis Mo-  
nachorum cœtus, tuo tantum pa-  
trocinio validus, obsidenti hosti no-  
vam quotidie inferebat ignomi-  
niam.

Judith.  
Cap. 15.

Ad extremum ¶ *Fugit mens, &  
consilium ab eis, & solo tremore &  
metu agitati, & turpis recessus, ¶ præ-  
sidium sumunt.* & utor amplius Sacrae  
Historiae verbis: ¶ *Et inclinato ca-  
pite, relictis omnibus evadere festina-  
bant, Polonos, quos armatos super se  
venire*

*venire audiebant.* & Certè metus  
desuper immissi non dubium fuit  
indiciū, cū tormentis noctu  
deductis ipsi albescente die Obsi-  
dionem relinquerent, alias milite,  
armis, machinis, commeatu, omni-  
que apparatu bellico instructissi-  
mi, nullis adhuc comparentibus  
Polonorum copiis. Eapropter hoc  
tibi *victrix Regina* canimus epini-  
cion: ¶ *Tu gloria, tu lætitia Polo-  
niæ, tu honorificentia populi nostri.* &

Jam verò rejecto, amotoque  
hoste, ex hac *tua Regia* dimisisti  
Sanctiores Genios, expeditos ve-  
luti nuntios, qui Regem suo re-  
stituerent Regno, Duces ac Mili-  
tes legitimo Domino redderent,  
erectam Nobilitatem ad signa

\* \*

con-



Ad  
War-  
kam.

convocarent. Tu docuisti bella-  
torum manus ad praelium clade  
hostium insigne, tu cum Refur-  
gente, triumphanteque Filio tuo  
victorias, & triumphos Poloniae  
reddidisti. Tu ô clementissima Re-  
gina nutantem iterum aliquan-  
tum fortasse per scelus nostrum,  
fortunam exorato Deo integram  
restituisti. Tu insuper Regi Ca-  
simiro, cui Dantisci hostes inhia-  
bant, inde operâ Viri fortissimi,  
bellicosissimique evocato, secu-  
ram in Claro Monte Aulam præ-  
buiſti, & cum Suecorum Rex,  
cum Foederato in exitium no-  
strum Principe, juncturus copias,  
haud procul à Claro Monte con-  
fediſſet, avertiſti currentis impe-  
tum;

Stepha-  
ni Czar-  
necii.

Rago-  
cio.

tum; aliamque, sed in perniciem  
amborum indidiſti mentem. Te  
Præſide in Claro Monte, primùm  
in hac Regni converſione Senatus  
cum Rege conſilium habitum eſt,  
felicioremque deinceps progres-  
ſum Cælum ſpoſondit, cum in Me-  
ridie ternos oſtendiſſet Soles, du-  
plici eaque candidâ redimitos  
Coronâ: quarum altera latè per  
aërem protenſa Montem Clarum,  
Cænobiumque cingebat, altera  
paulùm arctior verſus Meridiem  
porrecta, ſupra Orbem Solis faſti-  
gium extulerat. Tu ad extremum  
Regem Joannem Caſimirum Au-  
ſtriacis fultum auxiliis principem  
contra Urbem dimiſiſti, quam

7. April.  
1657.

Craco-  
viam.

\* \* 2

raf-



rasque Regni Civitates & Provin-  
cias, pulsus hostibus pristinae liber-  
tati restitueret.

Hæc sunt ô *Virgo Beatissima tui  
Clari Montis miracula*, ex hoc  
*Monte*, te mira prodente Christia-  
norum *Advocatam* Orthodoxus  
venerabitur Orbis, ex hoc *Monte*  
promanantem Divinam provi-  
dentiam supplex adorabit *Polo-  
nia*. Hanc turrin Davidicam ho-  
stibus opponet. ¶ *Quæ ædificata  
est cum propugnaculis: mille clypei  
pendent ex eâ, omnis armatura  
fortium.* Quin ex hac turri Deo  
irato clypeum objiciet: nam ut ele-  
ganter quispiam ait: ¶ *Nemo sanè  
Domine, tam idoneus est, ut gladio  
tuo scutum pro nobis objiciat, ut*  
*hæc*

Canti-  
corum.  
4.

Anony-  
mus a-  
pud Al-  
cuinum.

*hæc DEI amantissima.*

Atque dum *Beneficia tua*, pro-  
strati recolimus ad te ô *Maria*,  
*Montem* ipsum recurrimus. ¶ *An  
non MONS sublimis MARIA.* &  
cum Gregorio loquor ¶ *quæ ut* In 1 Re-  
gum  
Cap. 1.  
*ad Conceptionem Æterni Verbi*  
*pertingeret, meritorum verticem su-  
per omnes Angelorum choros, usque  
ad solium DEITATIS erexit.* &  
Dicam amplius *vertex Mariani* Tibi po-  
suisti in  
Maria  
Sakra-  
rium  
gratiæ  
& Thro-  
num glo-  
riæ.  
*Montis Deo præstat Domicilium,*  
*radix ejus in populo honorificato.*  
¶ *Nè, igitur, à Zonarâ, mutuatis* Guar.  
Serm.  
1. de  
As-  
sumpt.  
Zonaras  
in Can-  
tico, de  
Deipa-  
râ.  
*peto verbis, tam validi Ecclesiam,*  
*addo Poloniam, tuumque demer-  
gant populum, ¶ Objice te Virgo  
Celsissima.* & Nos verò æternum  
tuo cultui mancipati, ¶ *Mure-*

\*\* 3

*nulas*



Ruper-  
tus in  
Canti-  
ca.

*nulas aureas faciemus tibi. & expli-  
co cum Ruperto. ¶ id est, orna-  
menta benedictionis & gratiarum  
actionis, benedicendo, & gratias  
agendo Deo, quod sic fecit tibi, &  
& Nobis per Te.*

O B.





IMAGO BEATÆ MARIAE VIRGINIS CLARIMONTIS  
CZESTOCHOVIENSIS IN REGNO POLONIÆ. DEPICTA À S<sup>r</sup> IVCA






**ECTYPVS**  
Obſidionis Clari Montis Czeſtochoviens  
DEIPARÆ VIRGINIS honorificati,  
Auſu et milite Suecorum oppugnati,  
Armis vero et virtute Polonorum deſuſi  
ANNO. M. DC. LV.

**EXPLICATIO LITERARVM**  
A. Fides Muri ab Oriente. N. Cuneus Subterraneus  
B. Capella miraculoſe Imaginis B. hucusq. productus.  
C. Pars Septentrionalis Monasterii O. Excursio nocturna per  
D. Muri tormentis deſecti Clara montanas  
E. Aliud Popugnaculum in vertice altius P. Excursio diurna ad ſc. d. d.  
F. B. h. pars V. illa combuſta Q. Procuſus Excurſorum  
G. Capella Sancti Roſi diuerſi contra Excursioſ  
H. Monasterium et Eccleſia S. Barbara R. Pedilatus V. diſſe e Severia  
I. Padium Monasterii & Horreum m. Caſtra ducitur  
K. Declinat Hoſtis ad radices Montis S. Pyrobolus hunc retro abiens  
L. Munitiones Austro contra Portam T. Virgo B. m. d. S. Paulus P. E.  
M. Tormenta V. ſatius a. p. a. ſe p. i. o. ſe p. i. o. ſe p. i. o.  
V. Capella S. Jacobi X. Civitas Czeſtochova.  
**DANTISCI**  
Sumptibus GEORGII FÖRSTERI







I

O B S I D I O  
CLARI MONTIS  
CZESTOCHOVIENSIS  
DEIPARÆ IMAGINE  
A DIVO LUCA DEPICTÆ  
CELEBERRIMI.



Egnorum ac Imperiorum  
miras vicissitudines & *Regna  
vicissitu-  
dinibus  
obnoxia.*  
vetera & nova satis do-  
cuere exempla. Nullum  
tam præpotens, stabileque  
fuit, quod externa vis, aut  
non concuteret; aut non  
everteret. Ludit quippe in Orbe terrarum  
ætterna sapientia, & in Reges supremum  
exercet imperium; quos altiores, immemo-  
res Majestatis, è tot seculorum serie firma-  
to folio, uno momento dejicit. Regnorum  
luxum, lasciviamque exterorum irruptio-  
nibus castigat, & sub gravi jugo gementis  
populi audiens, diuque tolerans querimo-  
nias,

A



nias, tandem lanceis licet pedibus ad vindictam procedit, ulcisciturque aut ferali subditorum rebellione, quibus spoliatis arma supersunt, aut immutato veteri statu, novos imponit Dominos. Sua cuique Imperio imminet ineluctabilis fatorum periodus; & quod olim florentissimum fuit, in extremam se coniectum ruinam derepentè vidit.

Exem-  
plis anti-  
quiori-  
bus pro-  
batur.

Obsoleta sunt, quæ de Gotthis, Hunnis, Longobardis, Imperii Romani everforibus narrant Scriptores. Hispaniam Mauris ex Africa à Comite Juliano accersitis, Roderici ultimi Gotthorum regis libido prostituit. Gallia ab Anglis domita, paucis antè temporibus libertatem pulsus hostibus obtinuit; quin avorum nostrorum memoriâ claves ad florentissimum Christianitatis Regnum, è cingulo Regum Angliæ pendentes, heroica Guisii virtus abscidit, & eripuit. Carolum ejus nominis octavum, Galliæ Regem Neapolim occupantem vidit Ferdinandus Arragonius, jamque Regno spoliatus, mari hostem fugiens ingemuit: obversusque ad eam, quam deserebat urbem, lachrymabundus

mabundus in hæc verba prorupit. ¶ *Nisi Dominus custodierit Civitatem, frustra vigilat, qui custodit eam.* & Plura, quæ prudens prætereo antiquioris ævi exempla Historicorum suppeditant monumenta, recentiora nuper ipsi vidimus.

Qualis, quantave conversio Germanici Imperii fuit intra ternas annorum decades. Exem-  
pla recentiora. Quid nuper erat Bohemia, nisi alternantis fortunæ ludus, jam adscititium advocavit Regem, mox à legitimo recuperata, iterum extorta, nunc Suecis, nunc Saxonibus paruit? In ipsis Austriæ penetralibus quæsitus Imperator, Viennæ obsessus, vix evasit: Ferdinandus II. post, filius ad ejusdem urbis portas pulsantes audivit hostes, seque periculo subduxit. Quid memorem cæteros Germaniæ Principes, suis exutos dominiis, & variantes vires sæpius deplorantes. Stetit pax, nec aliter haberi potuit, nisi veteres possessiones, Galliæ. partim vicino Regi, partim novis, & trans Suecis. mare quæsitis, cessissent Dominis: jacturam interea compensante patrimonio Christi Brema; erepto,



Magde-  
burgum  
&c.

erepto, inque prophanos verso Ducatus, dixisses, in bello Germanico de inconsutili tunica iterum luisse milites.

An in hoc Orbis theatro & Hispania suos non exhibuit ludos? cum Bergantiae Duces Lusitaniam, & ejus appendicem Indiam Orientalem ad se traxere, Catalonia Gallorum imperio se subjecit, in Belgio urbes & penè integræ detractæ Provinciæ, Neapolis seditione commota, & quos pridem non sensere, ipsa Hispaniæ penetralia hostes jam exhorruere. Angliæ verò quis status? in ferali trunco depositum caput Regium lictoris securis abscidit; pepercere fata Jacobo Regi, ut Avix in nepote necem vindicarent: Sic sic jam acerba fata Stuartos agunt, postquam immerentis Mariæ fluxit in terram cruor. Quos verò Nobilissima hæc Insula datura sit ludos, in posterum tempus docebit. Nunquam itaque Orbis theatrum vacat, semperque novas exhibet tragoedias, & continuis vicissitudinibus veluti versatili scenâ oculos spectantium pascit.

OTCOT

S A

Venit

Venit quoque & ad Poloniam suæ infelicitatis portio, quæ nuper comparuit tragico succincta cothurno. In florentissimo constiterat statu hoc Christianitatis propugnaculum Vladislai Regis felicitate, omnium circa finitimorum societate & foederibus juncti erant animi, maxima fuit regnantis fortuna ut Janum clauderet, quod rarò ante illum contigerat, sed graviora bello incubere longæ pacis mala, luxus, libido, ambitio, inertia, quæ Rempublicam pessundedere. Proinde animam agente Vladislao, simul & illa Regni exspiravit felicitas. Subsecuta statim à morte ipsius calamitosissima tempora. Namque Theodatus Chmielnicius excitata

Polonia nova  
vicissitu-  
do.

A Cosacis Duce  
Chmielnicio ex-  
citata.

A 3

cru-



crudelius Orbis habuit, in hominum, urbium, pagorum, tectorum excidium ab inferis rediisse dixisses. Neque semel, iterumque, sed pluries per longiores moras cum Cosacis dubia pacis bellicae alea repetita, majori semper & deplorando Reipublicae damno. Quippe haec rebellio vires, opes, sustulit: avulsitque dextrum Poloni Imperii brachium Russiam, fortissimorum virorum militiamque exercitatorum receptaculum; non absque evidenti Numinis irâ, quae Regnis bellatores auferre solet, ut inermes populos hostium ictibus objiciat, tantò crudelius feriendos.

Post-  
à Moschorum  
incursum

Luctantem cum Chmielnicio rebellibusque Cosacis Poloniam, quos immanis feritas & odium implacabile conciliari Polonis nunquam permisit, novus aggreditur hostis Moschus, tantò gravior, potentiorque, quantò magis insperatus: namque pax jurata, nullisque labefactata injuriis, securitatem ab hoc Septemtrione pollicebatur. Sed ut Moschi foedus violarent, & Suecis & Cosacis debent. jam enim ita Dei judicio permit-  
tente,

tente, fatum erat Poloniam à foedifragis oppugnari, discerpique. Et Cosaci quidem renuntiata Tartaris societate Moschorum amplexi sunt patrocinium, Chmielnicio in verba Magni Ducis praeeunte Sacramentum; novaque firmante vincula, plebs facile consentiente, quam & rabies in Polonos incitaret; & eadem religio suaderet, Latinis ritibus inimicissima. Ita mox in Russiam Moschi junctas Cosacis intulere vires, Dux verò ipse in Lithuaniam suscepta expeditione, Smolenscum, universamque Severiam, post & Albam Russiam primo recepit anno, ferro, flammâque ubique horrendè debac-  
chatur, donec sequenti ipsam aggrederetur  
Lithuaniam, & Caput Magni Ducatus Vilnam infestis armis occuparet.

Et haec fuit Suecorum occasio, sumpta ex rebellione Cosacorum, Moschorumque successibus; ut tali cum opportunitate in Poloniam fractam aut distractam irruerent: haec unica ratio ad frangendas inducias impulit. Irruptionis quidem suae Sueci speciosas (si modò verae, nec frivola fuissent.) edide-

Rebel-  
lio Cos-  
acorum &  
Moscho-  
rum in-  
vasio ir-  
ruptio-  
nem Sue-  
cicam acce-  
lerant.



re causas, quæ sufficienter refutatae, injustitiam potius, quam justitiam prodidit armorum. Etsi verò cætera deessent documenta, nihil manifestius esse posset Caroli Gustavi Regis Sueciæ attestatione, qui Stocholmii; post alios discursus, in ipso prociuctu Legato Polono dixit: se quoque partem aliquam adepturum Poloniae, quandoquidem adimendi facilitas invitaret. Irupere itaque Sueci, & Poloniam induciarum fide securam, subitâ armorum vi aggressi sunt; & cum jam à duobus validissimis hostibus laceraretur, quibus adhuc aliqua renitendi suppetebat facultas, jam quo se verteret in tam insperatâ rerum confusione nesciebat. Tunc demum tristis incepit tragoedia, cui Moschus & Cosaci feralibus scenis præluserant. Quippe circumlata per universum Regnum arma Suecorum, torrentis ad instar Majorem & Minorem Poloniam pervasere; cedentibus incolis vi aut metu abreptis, miles Regni præsidiarius, seditione paucorum, quorum nomina exhorrescet posteritas, Regem deseruit, ad hostem

factâ

Hinc  
secuta  
conversio  
Status  
Poloniæ.

factâ transitione, Metropolis inops auxilii sese dedit. Rex à suis desertus, Opolium se recepit: Secuta ad extremum deploranda totius Poloniae conversio; nihilque jam nisi tristis fabula fuit.

Verum ego narrationem rei gestæ, tantæque calamitatis initia, progressus, aliis Scriptoribus libens relinquo, & me à conspectu malorum, quæ vidimus tantisper avertam, omnis expers curæ, quæ scribentis animum; & si non flectere à vero, sollicitum tamen efficere posset. Latiori argumento interim me & lectorem meum occupabo, quod in his æumnis coelestis benignitas, ne penitus afflictam Patriam solatio privaret, suppeditavit; & cum omnia hostium furori, libidinique patuissent; Sacrum *Deiparæ* montem Czestochoviensem subduxit, intaminatumque esse Castissimæ Matris Domicilium voluit; ut inde, veluti à firmo pietatis Marianæ propugnaculo, attrita hæresis, rediturae felicitatis spem ostentaret. Ibi primum in tanta Regni caligine visa est, *Hæc Aurora Consurgens*, Orientis iterum benigniori radio Solis præ-

Quam  
aliis scri-  
bendam  
Author  
relin-  
quit.



Solam  
Clari  
Montis  
Obsidio-  
nem scri-  
pturus.

nuntia. Scripturus itaque sum Obsidionem *Clari Montis* eâ fide, quam ex accuratissimis Obsessorum Commentariis accepi. Nec vanis aut superstitiosis narratiunculis lectorem detinebo: haud præteribo tamen, quæ ad Dei, Matrisque ejus cultum pertinent; & homo Catholicus, piaculum ducerem beneficia, eventa, certisque comprobata prodigiis filere. Et dum narrare incipio, communi ac veteri Orthodoxæ Ecclesiæ formulâ, preceque Deiparam compello.

¶ *Dignare me laudare te, Virgo  
sacrata.*

*Da mihi virtutem contra hostes  
tuos.* &

Vitem-  
bergius  
Major-  
em Po-  
loniam  
aggredi-  
tur.

Agebatur Annus, supra Millesimum, Sexcentessimū, Quinquagesimus Quintus, cum nec denuntiato bello, nec Fæciali præmissio, Carolus Gustavus Sueciæ Rex Arfurdum Vitembergium Generalem Copiarum Ducem, cum parte exercitus, versùs Majoris Poloniæ fines ire jussit. Is verò ex Pomerania mo-

movens, per ditiones Electoris Brandeburgici, quæ mediæ interjacent, limites Regni ultimis diebus Mensis Julii attigit; constititque ad Notesium fluvium propè Oppidum *Włocławek*. Erat ibidem in armis utriusque Palatinatûs, Posnaniensis & Callissiensis nobilitas, quæ se adventanti objecerat hosti; prompta quidem ad omnes repellendos insultus, arcendumque Suecorum impetum; sed pedite, tormentis, cæteroque bellico apparatu haud instructa; & quod in rebus bellicis summè noxium, non unius parens imperio: quippe duo Palatini, sui quisque Palatinatûs regimen ad se traxerant: is verò cui per legem in proximis Comitibus suprema cura demandata erat; dum Varsoviæ negotiis publicis impeditus, diutiùs hæret, tormenta, milesque subsidiarius lento passu procedit, opportunitatem hosti præbuit, rem subito transigendi. Aderat Vitembergio, Hieronymus Rádziejovius notus Orbi proditor, cujus operâ sollicitati, tractique in partes Suecorum animi erant, effecitque, ut præter Reipublicæ expectationem Polo-

uscie.

Cui co-  
mes ex-  
pedi-  
tio-  
nis Rad-  
ziej-  
ovius.



*Trans-  
git cum  
Palati-  
nis Ma-  
joris Po-  
lonie.*

nia Major sepositis armis cum hoste transi-  
geret, partemque pacis haberet, exarmatâ  
jam manu dextram tetigisse Tyranni. Scri-  
ptæ deinde conditiones, firmatæque chyro-  
grapho, sed non adeò multorum, quos Pa-  
latini in societatem defectionis traxerant.  
Defectio à Rege Joanne Casimiro Prote-  
ctionis titulo velata, Regi Sueciæ Protecto-  
ris nomen inditum. Dilapsa cum aliquibus  
Regi fidissimis nobilitas, passim rerum, quæ  
à Palatinis gererentur ignara, veluti ferali ta-  
cta sydere, attonitaque tam subitâ conver-  
sione, domos repetiit, & quibus majores  
facultates erant averfati protectionem, pro-  
tectoremque, fluxamque reputantes Sue-  
corum fidem, temporaneum exilium aper-  
to prætulêre flagitio: ii verò, quos arctior  
res, aut nimius fortunarum amor domi de-  
tinuit, duris exactionibus, rapinis, insolenti-  
tiâque divexati, egregiam, si Diis placet,  
protectionem tristes squalidique tolera-  
vêre.

*Posna-  
niam de-  
ditione  
capit.*

Progreditur Posnaniam Vitembergius,  
urbe præsidio vacuâ facilè sese dedente, in-  
de

de Callissium excurrit Radziejovius, firmat-  
que milite & aliquâ munitione: Hinc verò  
ad vicini Palatinatûs Siradiensis mittit no-  
bilitatem, quæ à Majoribus Polonis gesta  
fuit, edocet, utque in potestatem Regis  
Sueciæ pari modo faciles concedant, suadet,  
hortaturque, Siradienses aspernati defectionem,  
Radziejovium leniori detinent re-  
sponso, interim evocati à Rege jam jam sese  
cum aliquibus opponente copiis, in subsi-  
dium eunt.

*Callissit  
Radzie-  
jovius.*

Habebat in animo Radziejovius concilia-  
tâ Suecis nobilitate Siradiensi, ulterius pro-  
gredi, peteréque Clarum Montem Czesto-  
choviensem, quò illum spes sacrae supellecti-  
lis rapiendæ invitabat: sed ab excurrente  
cum paucis equitum turmis, Stephano Czárnie-  
cio, Castellano Kijoviense, cujus manus vix eva-  
ferat, exterritus, Callissio aufugit.

*Idem  
Clarum  
Montem  
interci-  
pere pa-  
rat.*

*Fugit  
interim à  
Czarnie-  
cio penè  
inter-  
ceptus.*

Referato interea Majoris Poloniae aditu,  
apertâque portâ ad invadendum Poloniae  
Regnum; Carolus Gustavus Sueciæ Rex  
cum reliquo mox adest exercitu, pactiones  
cum Majoribus Polonis initas confirmat,

*Carolus  
Rex Sue-  
ciæ in  
Polo-  
niam  
venit.*



& ubique clementiæ, benignitatisque famam spargit, nec diu moratur, posteaquam Regem Joannem Casimirum prope Oppidum Piast castris confedisse intellexit, signa movit. Prosperè aliquantum primæ velitationes nostris cesserant, jam Masoviae Nobilitas & Siradiensis, prout retulimus confluebat, verum ita urgentibus fatis, illa quidem perturbatis Ordinibus, aliquo ab hoste accepto damno celeriter dilapsa est; & Rex cum suis copiis Cracoviam versùs iter direxit, vestigia ejus premente Sueco, qui Kolo, Lancieja, Lovicio, Varsovia captis, ne quid à tergo periculi immineret, præsidia imposuit. Cracoviam ubi ventum est, Rex à suis desertus, Opolium secessit, Metropolis Regni à Stephano Czarniecio, qui adventum hostium duobus aut tribus diebus anteverterat, defensâ aliquot septimanarum spatio, impetum sustinuit; & quia ampla, nullisque firmata munitionibus, desperatis, quæ promittebantur, auxiliis, honestissimis conditionibus Carolo dedita, si in eis servandis fides verbo regio,

Joannem Casimirum, Regem insequitur,

Qui Opolium secedit.

Cracovia conditionibus Sueco deditur.

gio, manumque obstrictâ, salva mansisset.

Ultimus novo Herculi restabat labor. Quartianus miles, ( hoc illum nomine indignant Poloni, à quarta redituum parte è bonis Reipublicæ à Præfectis in ejus stipendia conferri solita, ) & hic Suecorum fortunam adoravit, non sine probro, turpique nota. Prussia ad extremum vocabat Regem Sueciæ, in qua Elector Brandenburgicus Princeps Fiduciarius armatus comparuerat; proindeque ejus amicitia ambiguus, motis signis illuc properavit, Vitembergium Cracoviæ annexisque Provinciis imposuit, Duglassium Sendomiriæ. Et quia miles suis cum Tribunis in præsidia distributus exercitum ejus attenuaverat, Quartianorum aliquot legiones in supplementum sequi jussit; evocato insuper è Livoniâ Comite Magno de la Garde, ( fortasse quòd parum adhuc fideret nuper accessoris legionibus, ) qui sex armatorum millibus in Prussiam adductis, exercitum ejus auxit. Mellerum verò Vicarium Generalem veterem, expertumque Ducem Majori Poloniae præfecit, injunxitque, ut finitima

Quartianus miles ad Sueciæ Regem deficit.

Qui in Prussiam properat.



*Mellerus  
Majori  
Poloniae  
prae-  
fici-  
tur.* nitima Silesiae loca firmis muniret propugnaculis, militemque induceret; praecipue verò Czesztochoviam in suam redigeret potestatem à valido insidendam praesidio.

Et haecenus in brevem contracta summam succincta narratione initia Sueticorum armorum complexus sum, quò commodius lectorem properantis hostis omniaque fatali celeritate abripientis, vestigiis insistentem; ad ipsam Clari Montis Obsidionem deducerem.

*Wrzeszczewic  
ad  
Clari  
Montem  
copias  
admo-  
vet.* Acceptum itaque Sueci Regis mandatum Mellerus quantocius exsequi statuerat: interea praecurrit Joannes, Veihardus Comes à Wrzeszczewic, sive à Mello explorandi loci Religiosorumque (quibus olim notus familiarisque fuit,) ad obsequium reducendorum causa, sive quod magis sentio; ut victoriam Mello praeiperet, suamque operam Carolo Regi probaret, & aliquid de thesauris Ecclesiae delibaret. Vicinia quoque tentandae aggressionis commoditatem dedit: namque Velunii confederat, ac nonnullorū ad Silesiae limites praesidiorum cum imperio Prae-

Præfectum agebat. Octavo igitur die Novembris, noctis primâ vigiliâ (idque è Sue-  
*Noctu  
aggredi-  
tur.* ticae militiae usu, intempestivo accessu terrorem Oppidanis ad deditiōem compellendis inferente,) ad radicem Clari Montis venit, tubarum clangore, timpanorum sonitu, rupto conticinio, Religiosis ad quietem compositis, novitate perculsis, mittit è vestigio, qui Regis Sueciae nomine deditiōnem postularent; quam si denegarent, pertinacis repulsae vindictam à quatuor millibus militum, Coenobii moenibus admoventis mox subituros, suorumque bonorum direptionem, vicorumque incendia spectaturos. Et nox ipsa, & hominis importunum, minaxque postulatū, Religiosorum penitus aditum denegantium firmavit constantiam: Proinde Wrzeszczewicius, quasi id reverentiae Loci Sacri daret, rem commodius tractandam in crastinum differt. Albescente die, mittuntur duo ejusdem Instituti Patres, Benedictus Jaraczewius & Marcellinus Tomicius; mox ubi in conspectum Comitum venerunt, causam adventus sui exponunt; non

*Deditiōnem  
urget.*

*Religiosi aditum  
negant.*

*Sequenti die  
proposito  
deter-  
rent.*

C

absque



absque stupore hesterno strepitu armorum excitatos fuisse Patres, tantoque magis jam mirari: quòd vir Catholicus ad Locum Sacrum armatus accederet, cum tamen hoc in Monte, antea sæpius Virginem Matrem supplici prece veneratus fuisset; & qui olim munificà ac liberali manu eidem beneficia contulisset, eadem jam, sed armatâ, templi, Cœnobiique fores pulsaret. Desisteret tandem à tam pertinaci proposito, permitteretque illos pacatè vivere, quos Dei solius amor, atque Religiosi Instituti ratio, à terrenis secretos curis, in ea conclusisset solitudine. Faceret id exoratus per fidem, quam profiteretur Catholicam, per Virginem Matrem, cui Mons Clarus dicatus esset, & quem perpetuo ejus servitio obstricti tuerentur clientes: Patronum se potius, Protectoremque exhiberet, & veteris illius, expertæque benevolentiae, veluti è postliminio, revocatis hilararet argumentis.

*Instat  
Wrze-  
szewi-  
cius va-  
riis ra-  
tionibus.*

Wrzeszewicius cum suam paucis erga Locum Sacrum pietatem, virosque Religiosos merita commemorasset, nec præsen-  
tem

tem rerum statum, temporumque vicissitudinem, aliquid de veteri ipsius affectu imminuisse affirmasset, subjunxit: Amicus non hostis venio, Monasterium meæ fidei permittite, ita jam suadente tempore, rerumque statu, optatam quietem & Religiosam securitatem habituri, Sacra supellex integra vobis servabitur, bona, fortunæque Cœnobii nullum detrimentum accipient, necessarios sumptus ipse mihi, vobisque providebo. Hac deditio evitabitis impendentes vobis calamitates, ab exercitu Melleri subsecuturas, hominis à vestrà religione alieni, proindeque duriora imperaturi. Ferendum erit, quicquid ille jusserit, vos verò manebit serò sprete, damnatique consilii, cum perpetuo animi angore tristis recordatio.

Videbatur hæc fistula dulce cecinisse in auribus Obsessorum, ni auceps hesterno assultu, inopinatoque fragore, suspectum se fecisset; nec emolliri poterant animi, alieno periculo cauti, cum plerosque inconstantia Suctici promissi, malaque fides elusisset:

C 2

proin-



Wrze-  
szewi-  
cius pro  
hoste de-  
cernitur.

proindeque Wrzeszczewicium hostis loco habendum decernunt, vimque, si inferretur, omnibus viribus propulsandam. Et siquidem aliqui è Nobilibus, cum Conjugibus, carisque pignoribus Martis declinantes furorem ad Clarum Montem, tanquam ad asylum se recepissent, dedit honori illorum

Korde-  
cius Cœ-  
nobii  
Moderator,  
Nobilitum  
de deditio-  
ne sententias  
exquirunt.

*Augustinus Kordecius*, eximium suæ religionis decus, sæpiusque à nobis, non sine elogio memorandus Cœnobii Moderator, suoque & Religiosorum nomine sententiam exquisivit, quid jam faciendum censerent.

Respon-  
det Zo-  
moyscius,  
Ensifer  
Siradi-  
ensis.

Illi collatis inter se capitibus, unanimes Stephani Zamoyscii, Ensiferi Palatinatûs Siradiensis ore respondent: In una lance Patres Reverendi, hostium potentia, in altera vester apparatus, viresque appendendæ sunt, si Libra paritatem fecerit, vestrum jam erit, sequi eam quam Deus inspiraverit mentem. Rogati verò à vobis sententiam promimus: Obedire hosti nullâ urgente necessitate, ignaviæ, metûsque indicium est: pacem ignominiosâ deditioe pacisci, probrosum. Nos, qui ultrò tutelæ Loci Sacri  
sub

sub Gloriosissimæ Virginis Matris Dei præsidio, nostram incolumitatem, caraque pignora credidimus, vobiscum vivere, vobiscum mori, decrevimus. Et animæ quidem nostræ, si fors ita tulerit, patientius ibunt sub umbras, quàm si se hostili subderent servituti, & in æternam potius clauderentur lumina noctem, ne polluta Sacra, contaminatam, oppressamque aspiciant Religionem. Sed consulat Deus Matris suæ honori, aderitque piis Catholicorum conatibus, retundet impetus hostium animosâ propugnantium defensione.

Unanimi itaque consensu instructi, remittuntur ad Wrzeszczewicium Patres; implorant iteratò pristinam illius benevolentiam, revocant in memoriam sinceri affectûs contestationem, exaggerant iniquum hominis Catholici postulatam, ad extremum rogant, mitior hinc recederet, aut certè tantisper desisteret, donec sibi in tam arduo negotio, Theophili Bronovii constaret voluntas, à quo illi tanquam à Supremo sui in Provincia Poloniae Instituti Modera-

Iteratò  
Patres  
implorant  
Wrzeszczewi-  
cium.



*Sed is  
duras ob-  
trudat  
conditio-  
nes.*

tore dependerent, ita jubente voto, obstri-  
ctâ obedientiâ. Nihil ad hæc Wrzeszczevi-  
cius, solâque contumaciâ ferox, aut, inquit,  
iis, quas vobis ad Cœnobium perferendas  
do, Conditionibus, Clarum Montem de-  
datis; aut vicorum, bonorumque vestro-  
rum incendia expectate, utrumlibet eligite.  
Promunt reduces Nuntii oblatam, seu ob-  
trusam potius sibi à Comite Chartam, pu-  
dendis inscriptam Conditionibus, quæ ta-  
les fuere.

*Hodie, Nonâ Novembris  
Transactio facta,*

Cum Illustrissimo Domino Joanne Veihardo, *S. R. I.* Comite ab  
Wrzeszczewic / Sac. Regiæ Majestatis  
Suecorum à Consiliis Status &  
Belli, Supremo Generali Vigilia-  
rum Præfecto, & Colonello E-  
questris & Pedestris Legionis ex  
una; & Nomine Serenissimi ac  
Po-

Potentissimi Principis ac Domini  
Dñi, Caroli Gustavi, Suecorum,  
Gotthorum, Vandalorumque, &c.  
Regis, Domini sui Clementissimi.  
Et ex altera parte, cum Admo-  
dum Reverendis, Priore, Sup-  
priori, cæterisque Patribus, &  
toto Conventu Czestochoviensi,  
sive Clari Montis. Et ea Transa-  
ctio ab utraque parte in omnibus  
clausulis & punctis, sacrosanctè  
observari fide sanctâ & inviolabili  
promissa.

*I. Clarus Mons*, unâ cum  
Monasterio, fortalitiis, propu-  
gnaculis, se subdit in fidem Co-  
mitis Sac. Regiæ Majest. Sueco-  
rum, Sacramque Regiam Maje-  
statem



statem pro Protectore suo clementissimo veneratur.

2. *Omnes Religiosi*, quotquot sunt à primo ad ultimum, fide Sacerdotali & religiosâ jurant & promittunt Sacræ Regiæ Majestati Suecorum, Carolo Gustavo, fidelitatem, respectum & obedientiam, renuntiantque omnibus confœderationibus, conspirationibus, compromissionibus, transactionibus Regis Joannis, Casimiri, ipsiusquë addictis.

3. *Conventus recipit* in Gubernatorem fortalitii & præsidii, prædictum Comitem à Wzieszewic / cui etiam ejusque Officialibus Majoribus atque Minoribus, omnem fide-

fidelitatem & honestam cointelligentiam, respectum & respectivè obedientiam, quoad militaria pollicetur.

4. *Præsidium recipient*, numero militum constituto, nullumque majus modo, & nullo alio tempore, nisi extrema necessitate impo-

5. *Omnia tormenta*, pulveres, cæterasque munitiones, quò nomine illæ appellentur, prædicto Comiti, cum certo, specificato Registro extrahentur, & sub pœna vitæ, à Patribus nihil in hac materia celabitur, etiam omnia loca subterranea, quæ fortalitiò nociva essent, prædicto Comiti, aut

D. ejus



ejus locum tenenti, monstrabuntur, sub eadem poena.

6. *Milites omnes*, quos habent, five haidones, five alios, statim licentiabunt; nullumque militem, five palam, five clam, sine expressa Comitis, aut ejus Locum tenentis licentiâ, in Monasterio sustentabunt, habebunt, autalent.

7. *Abrenuntiant*, omnibus correspondentiis cum inimicis *S. R. M.* Suecorum, five literis, five verbis, five quibuscunque modis potest fieri: & sacrosanctè pollicentur, omnia ea, quæ ipsis innotuerint in damnum *S. R. M.* Suecorum fieri, tempestivè revelare, & iis malis cum  
omni

omni sua potentia, & firma fide-tate, obviam ire.

8. *Et ultimo.* In gratitudinem prædictæ transactionis, prædicti Patres & Conventus promittunt, se prænominato Comiti & Generali Summam in tali tempore paratam exsolvere.

*E Contra.* Comes supranominatus promittit nomine Serenissimi & Potentissimi, Caroli Gustavi, Suecorum, &c. Regis, Reverendis Patribus, totique Conventui, &c. &c. \* &

¶ Perlectis Conditionibus indignabundi Patres, præcisâ omni morâ animosè respondent: Juramentum ad libitum unius hominis prophani frustra à se exigi, quod Sacri-legii loco prorsus ducerent, utpotè jam aliis adstricti votis. Loca Supremi Numinis cul-

Reji-  
ciunt  
conditio-  
nes Reli-  
giofi.



tui è præscripto Catholicæ Romanæ Eccle-  
siæ deservientia, prave de Religione sen-  
tientibus permittere, id verò impium cen-  
sere. Intendat quantum velit minas Comes,  
nihil à viris extorquebit religiosis, nunquam  
suo obsecundaturis imperio. Tum verò ac-  
census iracundiâ Comes, proripit sese, &  
vicino Templo Divæ Barbaræ ædificio,  
flammas injicit, citatoque cursu tormento-  
rum, aliquot ictibus ipsum prosequentibus,  
Krepicium se confert: unde paucis abhinc  
diebus per ejus loci præsidarios, bona Cœ-  
nobii invadit, spoliat, pecoribus plusquam  
quadringentis abactis.

*Indi-  
gnatur  
Wrze-  
szewi-  
cius &  
abit.*

*Mona-  
sterii bo-  
na diri-  
pit.*

*Pauca  
de Wrze-  
szewi-  
ciis viri-  
bus & mo-  
ribus.*

Atque hoc fuit præludium futuræ Obsi-  
dionis: juvat interea, aliquid de ipso Præ-  
lusore nosse. Wrzeszczewicio Natales Bohe-  
mia dedit; Nobilitati splendorem attulit. S.  
Romani Imperii Comitatus, Adolescentiæ  
bonis literis excultæ accessit peregrinarum  
rerum notitia, Latinè eleganter, Germani-  
cè, Italicè, Bohemicè, loquebatur; Mores  
compositi, sed ingenium inquires, ambitio-  
sum, & vanitate tumidum: quod ab ejus  
col-

colloquio, dum mecum jussu Regis, certo  
in negotio conferret, patuit. Tandem con-  
quisito à diversis creditoribus ære Salina-  
rum Veliciensium fructûs in Polonia loca-  
verat, Rege securitatem præbente: indeque  
brevi amotus, seu invidiâ, seu æmulatione,  
non absque tamen aliquâ injuriâ, quam sibi  
inferri passim querebatur. Hinc orta indi-  
gnatio, aulæ Polonæ odium; & cum apud  
Austriacos nihil favoris haberet, hic verò  
spe lucri excidisset, hostes Polonis quæsit,   
Constantinopolim adiit, bellumque contra  
Polonos suasit: atque post multas, hinc &  
inde cursitationes, cum animus, neque vi-  
giliis, neque quietibus sedari posset, ultimò  
commune proscriptorum asylum accessit.  
Fortè subolfecerat jam in Suecia contra Po-  
lonos bellum adornari, proinde suam quo-  
que operam Carolo Regi recenter inaugu-  
rato offert, eloquentia prompta, mores  
compti, ingenium mobile, in amicis paran-  
dis facilitas, in rebus gerendis dexteritas,  
nec non mutatoria religio, & super omnia  
Ferdinandi Cæsaris indignatio, Polonorum



contemptus, homini pretium fecit, mox & Titulos auxit, quos illi Carolus juramento prævio, largè contulit, prout in capite illius, quam obtruserat, Transactionis, apparuit. Fuitque inter primos Ordinum Ductores irruptionis Sueticæ in Poloniam, & ejus fidei vicinæ Silesiæ munitiones concreditæ fuerunt, tantumque apud Carolum æstimationis acquisiverat, ut nomine Cæsareo Ablegato ejusdem Comiti de Petingen de Wrzeszczewicio conquerenti, durius responderet, quod ex literis ejusdem Viennam transmissis suæque legationis relatione patuit. Verùm Sueticos favores brevi infelix exitus terminavit; quippè jam crescentibus Polonorum copiis, Krepicio, Bolesławiecio, Ostrzeszovio receptis, ille profugus Velunio excessit, hærebatque in Majori Polonia, tam diu; donec ibidem urbes ac oppida ex pacto Regis Sueciæ, cum Brandenburgico inito, Derflingus ejusdem Copiarum Ductor reciperet, suumque militem induceret. Wrzeszczewicius verò Poseniâ, Costeno, Miedzyszecio, cæterisque locis, detractis Sueticis

cis præfidiis, properabat, ut obsidentem Callissium Nobilitatem insperato accessu, vel opprimeret, vel dissiparet. Jamque ad vicum Lubers rippæ fluvii Vartæ assidentem, pervenerat, cum nullas in vicinia Polonorum copias morari (sed falsò) ab exploratoribus didicisset, ab iisdem noctu irruentibus, ducibus Paulo & Stanislaò, Chleboviis, (illis enim prima debetur gloria,) octingentorum strage acceptâ, ipse dum equo destitutus, pedes fluvium superare nititur, à rusticâ manu fuste cæsus, undisque immersus, suo exemplo docuit, quàm cautè sit cum Superis agendum; atque ad initium sequentis Mensis recurrebat anniversaria dies impetiti Clari Montis, tristi ipsius vindicata exitu.

Defuncti novissimæ invasionis metu Religiosi, alterum jam à Mello exspectabant, quem Wrzeszczewicius spretus, rejectusque ad maturandam Obsidionem accendebat.

Ostendebat locum maximè opportunum, qui & vicinam Silesiam in Officio contineret, & Cracoviam commeantibus copiis, sum-

Wrzeszczewicius ad maturandam Obsidionem Clari Montis Obsidionem Mello-rum urget.



summam adferret commoditatem, alias à præsidio Polono non amoto vicinas regiones infestandas. Invitabat spe prædæ, ingentisque thesauri, qui à tot annis coacervatur, inibi lateret, aurea, argentea, donaria, gemmas, pretiosam supellectilem, statuas, signa affabrè facta, depingebat, quæ suis quondam delibasset oculis. Ibi esse profugorum Nobilium opulentiam, plerosque absentes, loco huic concredidisse facultates. Festinaret itaque accedere, & Regi singulare præstiturus servitium, & militis egestatem luculento ære, prædaque recreaturus.

*Kordecius à Vitembergio literas securitatis petit.*

Nec Mellerus in promovendis copiis segnior fuit, cujus adventantis monitus *Augustinus Kordecius*, Coenobii Superior, miserat Cracoviam ad Vitembergium Generalem Ducem, pro obtinendis literis assertitiis, & hic quidem prætextus legationis erat, cæterum instructi fuere Nuntii, qui ex Religiosis erant linguæ Germanicæ periti, ut interim explorarent, quæ mens Vitembergii de Coenobio esset. Redeunt illi statim post abitum Wrzeszevicii, literas quidem securitatis facile

facile se obtinuisse referunt, sed tamdiu valituras, quoadusque aliud de Coenobio statueret, ordinaretque. Ambiguum Vitembergii responsum, magnam sollicitudinem iniecit Kordecio, qui impendentis periculi admonet Patres, rogatque sententias. Unanimis tunc erat Loci Sacri defendendi consensus, solà Dei, Virginisque Matris Patronæ fiduciâ mentes, animosque Religiosorum accendente:

*Ambiguas obtinet,*

Quapropter Kordecius ad propulsandam hostium vim, omnem suam vertit cogitationem, peditum numerum milite exercitatori auget, in propugnaculis, vallo, tormenta ordine suo collocari imperat, stationes disponit, tabernas institorias per declivium montis exporrectas, ad Montis radicem pertingentes dirui, soloque æquari jubet, hostibus facilem accessum ubique intercipit, omnia denique non tantum fortissimi militis, sed etiam solertis Ducis exsequitur munia.

*& ad propulsandos hostes se præparat.*

Et profectò reputanti mihi, unde tam repentina peritia homini provenerit, qui à

*Ejusdem Eloquii.*

E

tene-



teneriori ætate Coenobio inclusus, non arma solum tractarit, sed ne strepitum illorum unquam audiverit, profectò miraculi loco censendum existimo: Numen Supremum ad Matris suæ preces elegisse infirma, ut confunderet fortia, atque ad deprimendam hostium superbiam, unum Monachum veterano opposuisse Duci. Unius profectò *Kordecii* vigilantia debetur, Montis Clari servati laus; quippe ille vigilias obire, insomnes ducere noctes, militesque quâ verbis hortari, quâ largitione accendere, magnitudine periculi dejectos Religiosorum animos, Nobiliumque erigere solebat; ad extremum solus obstitit, ne porta hostibus pateret, quam jam pavor & consternatio dedere sese volentium remotis obstaculis, penè aperuerat. Quæ ideo libentiùs commemoravi, ut memoriæ viri æquè pii, ac de religione sua optimè meriti, tanto fidentius consulerem, quanto ipse in Commentariis obsidionis religiosam professus modestiam, in suis laboribus referendis parcior est, & prout communis vitæ societati assuetus, ita commune cum soda-

sodalibus æumnarum & parti decoris voluit habere elogium.

Provisis à Kordecio rebus ad defensionem necessariis, auxilia deforis multorum implorata sunt; sed effectu nullo: namque Rex, cui libellum supplicem obtulerat, vacuus milite, qui ad hostem defecerat, Opolii degebat; & Stephanus Czarniecus potentia Suecorum impar, in Ducatu Severiensi confederat; nulla prorsus subsidia sperari poterant, in tanta, tamque subitâ Poloniæ conversione: Proinde & hinc Divinæ benignitatis non postremum capio argumentum; Deique Matris Loci sibi dedicati, singularem tutelam veneror, quæ contra omnem militiæ, bellantiumque morem: (quippe arces tam diu arcent hostem, quàm diu subsidia non submittantur) eam mentem, illosque spiritus, hominibus religiosis dederit, ut expertes auxiliorum, versâ ad alienum Dominum nobilitate, militiaque, hoste omnia possidente, occupanteque, solis è coelo tantùm venturis confisi auxiliis, ausi fuerint Suecorum irritare poten-

*Auxi-  
lia Kor-  
decius  
implorat  
effectu  
nullo.*

*Divi-  
næ pro-  
viden-  
tiæ sin-  
gulare  
argu-  
mentum.*



tiam; eique obstaculum moliri.

*Kordecius  
Wrzeszewicium li-  
zeris  
compel-  
lat:*

Atque ita omni spe subsidiorum evolutus *Kordecius*, scribit iterum *Wrzeszewicio*, si adhuc hominem præferocem aliquâ ratione flectere posset, mittitque imaginem Virginis *Claramontanæ* in cupro, è prototypo à perito artifice elaboratam, veluti sibi supplicantium advocatam. Sed ille jam talium contemptor, nihilo melior, molliorque redditus minas intentabat, vindictamque spirabat, & pro eodem *Sacro Monte* intercedentem *Stanislaum Varscium*; *Castellanum Cracoviensem* acriter repulit, non absque aliquo contemptu. ¶ *Eat nunc,*

*Qui  
vindi-  
ctam spi-  
rat.*

*Varscii  
Castellani  
Cracoviensis  
erga Lo-  
cum Sa-  
crum pre-  
sas &  
munifi-  
centia.*

*inquit, si placet, Dominus Castellanus, & Locum illum Sacrum pro sua pietate defendat, en adest exercitus Regius.* \* Neque hîc suo encomio fraudare vellem *Varscium*, quem *Clari Montis* religiosa familia, munificum, agnoscit Patronum, in eaque calamitate potissimum, cum & armenta, pecoraque mona-

nafterii centum Imperialibus ab hoste redempta, restituit: & loco periclitanti duodecim tormenta submisit. Erat quoque in exercitu Suetico, Tribunus *Venceslaus Sado-vius Bohemus*, is in Majori Polonia bonorum *Maximiliani Miaskovii Castellani Kriviniensis*, fructus locaverat, post *Suecis* irrumpentibus, illorum turmis sese immiscuit, adhæsitque tanto cum *Polonorum* odio, ut nemo illo genti infensior haberetur; tuendisque *Sueci* partibus addictior: Proinde aliquot equitum turmis impositus, altiore militiæ gradum obtinuerat: hunc etsi summè Catholicis infensum, & maxime *Clero* (id enim literæ ipsius ad *Vitembergium* datæ, sed interceptæ docuerant) aggredi prece decrevit, *Kordecius*: (fortasse aliqua olim viri notitia fretus,) oratque per epistolam à Religiosis sui Monasterii delatam, quatenus belli molem à Loco *Sacro* averteret, daretque id *Claritudini Montis Regum & Principum* pietate notissimi, tum & vicinorum videlicet *Hungarorum, Bohemorum, Moraviorum, Silesiorum* pere-

*Sado-  
vium per  
nuncios  
Korde-  
cius ag-  
greditur.*



Beni-  
gnum re-  
ferunt  
respon-  
sum.

grinationibus celeberrimi. Benigniori vultu, quàm ab homine Calviniano sperari poterat, excepti religiosi, vocatosque semotis arbitris tali consilio instructos dimisit: Non esse suæ potestatis belli mox ingruentis molem avertere, illud cavendum esse, ne Suecos contumaciâ ad ferociam provocarent, colloquium satius instituerent, deque conditionibus disceptando tempus extraherent, donec loco, sibi que attemperatas obtinerent. Cæterum ferunt cum Mellero sedulò præfidenterque egisse, objectoque periculo existimationis suasisse, ut alium quempiam expeditioni huic præficeret: namque Cœnobio à Monachorum pavido, invalidoque grege infesso, expugnato, quam laudis accessionem? quale militaris peritiæ decus obventurum sibi putaret? Quod si verò illum pertinax obsessorum defensio, re infectâ abscedere coëgerit, æternum probrum, convitiùmque relaturum: Mellerum, tot palmarum Ducem, turpiter à Monachis reiectum loco cessisse.

Sed jam fatalem accepturus ignominiam pro-

Sado-  
vius ob-  
sidionem  
Clari  
Montis  
Mellero  
dissua-  
det.

properabat *Mellerus*, quem Velunio movisse, trepidus inde accurrens ejusdem Religiosæ familiæ sodalis Hyacinthus Rudnicus nuntiat, & magno quidem cum apparatu, numerofoque milite incedentem. Non pauciores novem millibus fuisse constat: junxerant namque suas copias Comes *Wzieszevicius*, Dux *Hassia*, & *Sadovius*, insuper & duæ Polonorum legiones aderant, suis cum Chiliarchis, Severino *Kalinio*, & *Joanne Zbrozek*. Ad famam adventantis *Melleri*, Generalis Vicarii, novus iterum metus exoritur in Claro Monte, au-

Melle-  
tra per-  
git sus-  
cum co-  
piss.

Quanta  
illa.

Exter-  
rentur  
Religiosi

Obstitit *Kordecus*, vitamque potius honorari Dei Matris devovendam esse censuit, quàm hostis se credere arbitrio, Divum, hominumque contemptoris. Nec cunctatus die Novembris decimâ octavâ universam Reli-

Quos  
animas  
Kordecus.



Et Cæ-  
lestem o-  
pem im-  
plorat.

Religiosam familiam, omnesque loci incolas humanis destitutos auxiliis, Coelites in subsidium humili prece advocari jubet, Patronamque Clari Montis Dei Matrem implorare: ad cuius aram Sacris operatus, omnibus summâ cum pietate adstantibus, mox intra muros & propugnacula institutâ supplicatione, Augustissimum *Christi Domini Corpus* circumducit, post partitis inter milites stationibus, tormenta, sclopos majores, fistulas ferreas, globos, pulverem bellicum, arma precibus desuper è præscripto Ecclesiæ recitatis, aquâ lustrali aspergit, præsidarios animat, ipse ubique operi intentus. Venit tandem ejusdem dici horâ, post meridiem secundâ *Mellerus*, admovetque exercitum ad radices Montis Clari: & quandoquidem secutura est acerrima oppugnatio, succinctè *Loci* situm, originem, antiquitatemque præmittam.

Clari  
Montis  
origo, si-  
tus, &  
Imago à  
Divo  
Lucâ pi-  
ctâ, de-  
scribitur.

CLARUS MŌNS Czeſtochoviensis, ab Imagine *Deiparæ à Divo Luca* depicta, ibidemque deposita, ac propterea à populorum peregrinantium frequentiâ, concursu-  
que

que Claritudinem & Cognomen accepit. Aliud Czeſtochoviæ Oppidi vicinia, inde mediæ horæ itinere distantis dedit, prout in Brabantia Virgo Asperi Collis, Sichemienſis etiam titulum obtinuit, à Sichemio Oppido illi adjacente, quo in loco Dei Matrem mira prodentem olim mihi venerari contigit, adesseque cum è veteri Sacrario ad templum ab Archiduce AUSTRIÆ Alberto constructum inter Belgii opera elegantissimum deportaretur. Hanc verò Imaginem à D. Lucâ depictam fuisse, unanimis Græcorum, sæculorumque consensus tradidit, atque jam ætate *Virginis* adultiore, ipsaque vivente, quod pictura testatur, eaque formâ, corporis-  
que compositione, ac viventis similitudine, ut uter melius ipsius effigiem, an Epiphanius apud Nicephorum calamo delineaverit, an pictor Antiochenus, D. Lucas, vivis coloribus expresserit, ambiguum sit judicium.

Nice-  
phorus  
lib. 15.  
cap. 14.

Nice-  
phorus  
lib. 2.  
Hist.  
Eccl.  
cap. 21.

Tabula cui Imago superinducta cernitur, Cupressina est, Mensamque fuisse Virginis, quod testatur vetus inscriptio Domui Lauretanæ olim imposita. ¶ *Mens-*

F . . . . . sam



*Sam autem Virginis habet Czes-  
chovia in Poloniâ.* & Altitudo Tabulæ  
ad duos cubitos & sesquipalmum protendi-  
tur, latitudo unius cubiti & trium palmo-  
rum spatium occupat, crassities duos obver-  
sos articulos medii digiti continet.

IMAGO hæc Helenæ AUGUSTÆ Hie-  
rosolymis primùm innotuit, destinata Con-  
stantinopolim, sed mors Imperatricis irri-  
tum propositum fecit, post ab Eudoxiâ  
Hierosolymis, Antiochiam deportata,  
transmissaque, inde Pulcheriæ Theodosii  
Imperatoris Sorori, collocataque Constan-  
tinopoli, in templo ab eadem magnificè ex-  
tructo *ἡ ἁγία*, seu viæ Ducum à Græcis  
Scriptoribus nuncupato, eorumque testi-  
monio magnis in Urbe præpotenti claruit  
miraculis.

Obtigit tandem Carolo Magno, per ma-  
nus Nicephori, unâ cum celebri sacrarum  
reliquiarum thesauro, quem Aquisgranensis  
Ecclesia summa cum pietate asservat. Is ve-  
rò *Leoni Russiæ* Monarchæ, quem contra Sa-  
racenos fortissimum, fidissimumque socium

ar-

armorum habuit, sibi que ideo percarum,  
obnixè petenti, donavit, non absque ta-  
men doloris sensu, quod tam præstanti Ima-  
gine privaretur. Lætus in munere Russiæ  
DUX, deportatam in Arce Belzensi mu-  
nitissima deponit, ritûsque Græci Sacer-  
dotibus curam, custodiamque Sacræ Ima-  
ginis committit, mansitque sub eâ curâ an-  
nis quingentis. Redactæ tandem à *Casimiro*  
Magno, Poloniæ Rege, in Provinciam  
Russiæ, *Ludovicus* Hungariæ & Poloniæ  
Rex, ejus ex Sorore Nepos, Vladislaum  
Opoliensem Ducem, Cognatum suum,  
Præfectum imponit: Is repertam in Arce  
Belzensi Sacram Effigiem ex obscuriore lo-  
co, in amœniorem, suoque vicinum domi-  
cilio transfert, inque dies prodigiis clare-  
scentem, Patronam Virginem penè à Tarta-  
ris oppressus experitur, illatamque ab eorum  
sagittâ gutturi imaginis, ulciscitur contume-  
liam, ingenti hostium clade. Tandem è  
Russiâ tam carum pignus avehit. Opolii in  
Urbe Ducatûs sui primaria feliciter depõ-  
nendum. Nec longa jam restabat via, M O N S

F 2

fu-



superandus erat, in cuius vertice, veluti humi defixa, constitere iumenta, nec currus dimoveri potuit; ita Divino cursum sistente oraculo, pergratamque *Virgini Matri* commonstrante *Sedem*. Atque Dux voluntatis Divinae; quam supplici consuluerat prece confcius, admonitusque, paret coelesti mandato, *Imaginem* deponit: *TEMPLUM* augustâ & eleganti formâ extrui imperat, Coenobium amplis dotatum redditibus addit, inducitque ex Hungaria evocatos Religiosos *Ordinis S. Pauli* Eremitæ primi, *DEI* Matris honori, cultuique perpetuo deservituros.

*TEMPLUM* ad latus Septentrionale ædem admovit, non ineleganti eductam artificio *Vladislaus JAGELLO*, Poloniae Rex, ad quam temporis successu illata Imago, nunc in Arâ ex hebeno artificiosè structâ, statuisque argenteis justæ magnitudinis insertis splendiddâ, non sine pavore quodam venerabili conspicitur. Sed quia ædes accurrentium populorum multitudinem haud capere poterat, *Matthias Lubienius*, Gnesnensis Archie-

Anno  
Domini  
1382  
Augu-  
sto  
Menfe.

chiepiscopus, Regni Primas, Vir olim in Ecclesia & Republica Magnus, ampliorem sumptu magnifico effecit, hocque suæ pietatis insigne reliquit monumentum. Atque ita loco crevit celebritas, prout retulimus, ad cuius venerationem longissimæ multarum nationum institutæ fuerunt peregrinationes, duratque hucusque accurrentium populorum frequentia, propitium ope Virginis implorans Deum.

*Mons* totus rupeus est, non nimium duro silice, petrâque constans, sed è candicante lapide, ædificiis, & cæmento facilem præbente materiam, altitudine fat conspicuus, quippe ad tria Germanica milliaria protensa terrarum spatia oculos subjicit, non prærupto, difficilique ascensu molestus, sed molliter in subjectam declinans vallem. Ad Orientem latissimam pascuis, agris, aquis planiciem, Oppidumque Czestochova respicit: ad Meridiem planiore via, sed postmodum leniter subsidente, ducit ad Templum D. Barbaræ, tyronumque Religiosorum Domum, tribus inde stadiis distan-



tem. A Septentrione & Occidente, assurgunt colles veluti Sacrum MONTEM venerabundi, in quos ille supremum obtinet dominium.

Verticis amplitudo è Templo justæ magnitudinis, Coenobio centum & amplius Religiosorum capaci, cæterisque annexis ædificiis æstimari potest.

Anno  
Domini  
1430.

A Principio, ut omnium rerum, parva sunt initia, exiguum sepimentum, templum claustrumque cinxerat, proinde prædonum, Hussitarumque, per ea tempora debachantium licentiæ patuit. Hi namque spe prædæ, quam animo præconceperant, è finitimâ Silesiâ erumpentes, templum, coenobiumque diripiunt, incendunt, Religiosis partim cæsis, partim fugatis, Imaginem aurò, gemmis, à LEONE Russiæ Duce exornatam spoliant; demùm inter cachinnos & ludibria, impurissimi homines currui imponunt, ad triaque stadia avehunt, ibi verò Tabula immobilis currum jumentaque stitit, nullo impetu equorum, impulsuque amplius dimovenda. Commovet bilem insana rabies, &

& ¶. quid nobis, inquiunt, cum futili ligno? & tandem è curru dejiciunt, conculcant, raptant, fædeque conspurcant, ad extremum in tres dissolutam partes terræ alidunt, & unus projectæ audaciæ scurra, binos gladii ictus faciei infligit, duasque reliquit cicatrices, nunquam à peritissimo etiam artifice obducendas. Et ille quidem unà cum socio idem audente, repentino rigore concretam manum, oculosque, qui tale spectaverant facinus, amisit, mox & vitam: cæteri grassatores impii, mirum dictu! subitâ peste, cum nullibi apparuisset afflati, pecorum adinstar concidebant sparsim per campos cadaveribus provolutis.

Tali edocti periculo Religiosi, altiori muro templum coenobiumque circumdant, & tantò quidem postmodum accuratius, quantò pia liberalitate *Vladislai Quarti*, Poloniæ Regis aucti, etiam propugnaculis munivère.

Certè è præscripto Machinatoris bellici firmandi loci, *Vladislaus* Author fuit, sive Silesiæ



lesiae aliquando non quieturae limites observaret, praescinderetque latrociniis, ac incursionibus licentiam, sive praevisto à Superis, quod imminebat ab illius haereditario hoste, periculo, non evulgato tamen rerum futurarum arcano, hanc illi mentem injecere, ut loci Sacri securitati in omnem eventum, quisquis ille foret, prospiceret, & prospexit: Namque praalta moenia, terraque ad eludendas pilarum emissiones latè oppleta, Templum, Coenobiumque quatuor propugnaculis inde prominentibus seque mutua ope prospectantibus, ac praelarga circum fossa contuentur. Porta unica Meridiem respicit. A vicinis collibus nihil periculi, namque iis altitudo MONTIS imperat, tormentorum ubique patentes ictibus. Et hic erat tunc loci Sacri status, sed multò operosius jam muniendum properant Religiosi, munificentia Regis Joannis Casimiri, opera externa promovente. Et decem antequàm hæc scriberemus Mensibus, erigi coeptum est ad Orientem Propugnaculum, paulum à moenibus abjunctum, tuendoque Dei-

paræ

paræ Sacrario objectum, ad quod erigendum in ipsis initiis suæ Majestates admovere manum. Primusque Rex, pio erga VIRGINEM Matrem affectu, cum Regina praevit, terram & rudera sarculis egerendo, simul secuti Principem Aulici, Senatus, & Primores quique, & Gynaeceum, unà cum Matronis Nobilibus, suas quoque commodavit manus, comparuere & alii certatim dies integros operi insudantes.

Sed me jam Sacro MONTI imminens revocat Mellerus, videbatur ille consilio prius, quàm armis experiri, datis ad Religiosos literis, perque unum ex agrestibus, delatis, nisi jam infestus arma explicuisset, occupato pago Czestochowka radici Montis adhærente, ibidemque prædio Monasterii direpto, ejusdemque à rationibus famulo Joanne Konopscio trucidato, captatis, infestisque locis instituendæ oppugnationi perquam opportunis, ita ut necesse habuerit Kordecjus, palantes per agros situm, positusque locorum & munimentorum explorantes, tormentis depellere,

G

ante-

Mellerus  
scribit ad  
Religiosos.



antequam litteris responderet. Et illa  
quidem in eam scripta erant sententiam:

Littera  
ipsius.

*Cum S. R. M. Suecia*, Domi-  
nus meus clementissimus de re-  
bellium quorundam in Majori  
Polonia conatibus certos accepis-  
set nuntios, quod sua Majestas  
non modò ad illos compescen-  
dos, sed & porro ad limitaneas ar-  
ces adversus quamlibet invasio-  
nem aliquo præsidio firmandas,  
me eo cum iusto exercitu mittere  
fuerit coactus. Quando igitur ad  
hos limites progressus sum, iam-  
que & Monasterio vestro exerci-  
tus imminet, cui ut conveniens  
præsidium imponatur, serium est  
S. R. M. mandatum, vestro ex  
com-

commodo fore putavi, si vos ejus  
rei gratiâ primum ac maturè  
commonefaciam. Quod dum fa-  
cio, vos serio adhortor ut sine  
ulteriori circumductione, aliquos  
cum libera potestate mittatis, de  
quantitate præsidii, aliisque ad  
hanc rem pertinentibus mecum  
deliberaturos. Facietis hoc ipso  
rem S. R. M. gratam, quæ non  
intermittet vos ac Monasterium  
vestrum omni Regia clementia  
fovere ac tueri: nec enim aliter  
vobis persuadeatis, quam Sacra  
vestra omnino fore intacta, neque  
devotionibus vestris ullum impe-  
dimentum, multo minus contu-  
meliam illatum iri; siquidem nihil  
-olo I G 2 aliud,



aliud, quam tutela Regni & securitas finium quæritur.

Cæterum, si totâ jam Minore, Majoreque Polonia, in potestatem S. R. M. redactâ, desperatisque omnibus auxiliis, obsistere tamen ulterius præsumatis, non aliter potero, quam præsentis armorum remedio vos & cum exustione totius Monasterii ad recens compellere obsequium. Id ne fiat, vestrum erit fato non resistere, sed honestâ deditione Serenissimi Regis nostri clementiam amplecti.

Non sperabat tam promptum, quod tormento peregerant Salutationis Officium, Mellerus: Proinde inclinato jam in vesperam die, mittit Sueco stipendiarios

*Cessationem armorum*

Polo-

Polonos, Golyonium ex legione Zbroscii, <sup>per duos Equites Polonos peti.</sup> Equestris turmae Præfectum & ejus commilitonem Alexandrum Paprocium, addito illis suo ex Sorore nepote, qui armorum cessationem postularent. Id facile Mellerum obtenturum respondet Kordecus, si ille suas <sup>Negant Religiosi, nisi prius copias amoveret, & horrea incendunt.</sup> copias ex hac vicinia, prædioque retraxerit. Id verò quandoquidem uberiori hoc anno proveniente segete, abunde hostem annonâ, commeatuque instruere poterat, nocte candentibus globis incensum, flammâ cum horreis absumpsit, non sine Suecorum aliqua clade, qui inter ædificia stationem cæperant.

Et duo illi Poloni à Mello ablegati sanctè sponponderunt, nihil à se, suisque commilitonibus Claro Monti metuendum esse, manereque apud eos Loci Sacri reverentiam, quam licet Suecorum partibus adhæsisent, nunquam tamen exuissent. Sed hæc tam Sancta sponsio, haud illos à turpi absolutâ nota: etsi etenim arma ad aggressionem non strinxerint, oppugnarunt tamen Clatum Montem multoties à Mello submissi,

*Ablegatorum Polonorum erga Locum Sacrum reverentia.*

G 3

tur-



turpem suadendo, nec sine minis deditio-  
nem.

19. No-  
vemb.

Melle-  
rus Sta-  
tiones de-  
sponsit.

At Mellerus altero die lustratis circum-  
quaque campis, exploratoque locorum situ  
copias partitur. Ad Meridiem Hassiæ Du-  
cem & Sadovium collocat, insidereque  
jubet Templum D. Barbaræ dedicatum,  
huicque annexam tyrönium Religiosorum  
domum peramplam satis, commodamque.  
Ipse milite, bellicoque apparatu validior in-  
tra Orientem & Septentrionem in pago  
*Czestochowska* radici Montis contiguo sta-  
tionem capit, opportunitate aggressionis  
inde æstimata: quippe & tormentis admo-  
vendis, muroque, quem debiliorem fortè  
hac ex parte rebatur, quatiendo, facilius da-  
batur accessus, & Coenobium ibidem in lon-  
gum porrectum, scandulis ligneis tectum,  
flammæ obnoxium erat, ab igneis globis  
momento erupturæ. Jam verò ædificia pagi,  
trabes ad suggestus tormentarios erigendos,  
fossas humo egesta continendas, cæteraque  
opera militaria suppeditatura prævidebat,  
tantò majori temporis lucro, quod non à  
lon-

longinquo peterentur. Atque ut ocius me-  
tum hosti incuteret, dispositis tantummodò  
stationibus, nullis adhæc erectis appropin-  
quationum operibus, tormenta, propugna-  
cula versùs dirigi jubet, mox & impetit ma-  
gnò conatu, sed effectù nullo. Fælicius ab  
obsessis insonuere machinæ certam inferen-  
tes stragem, pluribus exanimatis, cum vel  
incedentium agmina globis certa collinea-  
tione explosis perrumperent, vel transvo-  
lantes pilæ parietinis perterrebratis, intra ca-  
sas latentes conficerent. Inter exanimatos  
unum Polonum Equitem fuisse comperio,  
is nimia cupidine habendi ardens, Clari  
Montis opes, commilitonibus suis mox  
prædæ futuras, cum quadam gestientis ani-  
mi alacritate ostendebat, quibus temerita-  
tem dicti, hominisque impietatem, super  
hoc Catholici averfantibus, responderet:  
*¶ Et cur Sacra diripere non liceret,  
præsertim nobis, qui militiæ Sueticæ  
nomen dedimus,* (quasi verò ab hac Ma-  
gistrâ Sacrilegia, Dei hominumque contem-  
ptus

Tormentis  
Clarum  
Montem  
impetit:

Respondent  
Obsessi cum  
strage  
hostium.

Eques  
Polonus,  
Locis Sa-  
cræ con-  
temptor,  
pœnas  
luit.



ptus proveniret,) hæcquæ audacius Sociis regerentem, à Sanctiori scholâ superveniens Magister globus capiti, sed avulso aliam impressit doctrinam: Religiosè cum Superis agendum esse.

Malè habebant Claromontanos ædificia pagi *Częstochowska*, quæ non solum latebras hosti præbebant, sed altiores domos Monti viciniore (nam pleræque hospitibus peregrinantium inserviebant) ad tormentarios suggestus destinari præsenferant, subductasque machinas eminentiori ex loco majore obsessorum damno fulminaturas. Eapropter

*Kordecius candentibus globis pagum succendi iubet.*

*Kordecius*, qui ut Coenobii, ita & ejusdem honorum Superior erat, non ignarus ab incolis in suprema ædium contignatione, subque ipso tecto, foenum, paleasque asservari, inumbrante vespere candentes globos è tormentis explodi imperat, repenteque denso intermicans fumo flamma, tecta primum, deinde ædes corripit, hostibus suâ in statione talium securis, quos accrescentis celeritas ignis, factorque ingens densioris fumi, qualem paleæ, foenumque succensum excitare solet,

solet, penè interceperat, ita ut pavidî, inermesque, atque seminudi, sese inde ejicerent, reboantibus interim tormentis, stragemque inferentibus, quam hinc & inde cursitantes evitare vix poterant.

*Cum aliquæ clade hostium.*

In hoc ab utrinque armorum fervore, mittit *Mellerus*, (quod sæpius in hac Obsidione fecit,) unum Themistoclis Deum, suasionem videlicet, per *Severinum Kalinium*, Præfectum Bracławensem, Equestris legionis Chiliarcham perferendum, qui obsessos hortaretur, ut se, suæque, fidei Regis Sueciæ permitterent, cujus universa Polonia protectionem, patrociniumque recepisset: tum verò in laudes Caroli effusus, deprædicabat Martialem Principis genium, summam bellandi peritiam, clementiam Regiam, benignitatemque, eamque Majestatem, quâ salvâ omnibus se affabilem, juxta ac venerandum præberet. Hoc illi agebat unicum esse curæ, Poloniam in pristinum reponere statum, exterorum periculis obnoxiam, tueri, neve finitimorum excursionibus pateret, *Częstochoviam* Silesiæ vicinam,

*Severinus Kalinius deditronem suadet.*

H

mu-



munire, eidemque præsidium imponere, decrevisse. Viderent itaque Patres, an non fatius, æquiùsque esset, mandato Clementissimi Regis obtemperare, quàm contumaciâ, ferro, flammaque vindicandâ, indignationem justam accersere. Hæc compluribus suadenti *Kalinio* leniter responsum est: Mox duo Patres ablegantur, ad Mellerum uberiores daturi declarationem. Ac inprimis dicunt: edicto Regis Sueciæ immunitates, libertatemque Ecclesiarum ac Religionis integritatem comprehendi, jam sibi mirum videri, cur Mellerus ad Locum Sacrum infestus accesserit, nullâ præsertim laceffitibus injuriâ, præsidium impositurus, eamque solam rationem Religiosos à tractando negotio excludere, tamdiuque se sciret ab ingressu Coenobii prohibendum, donec ejusdem Moderatori de Regis voluntate scripto exaratâ constiterint. Hoc responso, pluribus modestè tamen exposito, Mellerus bilis effervescentis indicio non celavit indignationem, questusque est, se insolito Monachorum de Regio mandato examini

Ad  
Melle-  
rum duo  
Religiosi  
ablegan-  
tur.

Dato  
Casimi-  
riæ ad  
Craco-  
viam,  
30. Se-  
ptemb.  
1655.

Manda-  
tum Re-  
gis Sue-  
ciæ, de  
obsidendo  
Claro  
Monte  
requi-  
runt.

mini subjici, posthaberi que auctoritatem Generalis Vicarii, tot obsequiis, belloque præclarè gestis emeritam: postmodum tamen aliquanto placatior modestiâ Patrum, apud se agentium redditus, *Kuklinovium* turmæ Equestris præfectum adire Kordecium jubet, unâque Religiosis exhibere mandatum Regium literis ejusdem sigillo, chyrographoque munitis comprehensum, quibus illi committit, ut præsidiis Boleslaviam, Vielunium, Krepicium, Częstochoviam, firmaret.

Exhi-  
betur  
Manda-  
tum Re-  
gis per  
*Kuklino-  
vium*  
20. No-  
vemb.

Conjecerat oculos Rex Sueciæ in vicinam Silesiam fortasse, ut pacatis tempestivè prout sperabat rebus, opportunitatem capta-  
ret, unde gravior *Cæsari*, Austriacæque Do-  
mum incumberet, & recenti potentiâ auctum  
eò collimasse arcanæ docuere literæ sæpius  
interceptæ, quin & Principum foedere Sue-  
cis colligatorum applausus, & exquisitæ  
gratulationes moverant suspicionem, præ-  
cipuè Galliarum Regis Poloniae semper olim  
amici minæ, ad Aulam Cæsaream, ut fere-  
batur, missæ, si quid inde auxilii, Polonis

Muni-  
tiones  
vicinas  
Silesiæ  
cur Rex  
Sueciæ  
firmare  
jussisset.



contra Suecos, aut mitteretur, aut concederetur. Et Hæretici in Silesia, unde numerum copiarum Carolus non mediocriter auxerat, apertis gestientis animi signis Sueco favebant, tacite verò summo cum desiderio expectabant ultorem templorum, quæ *Cæsar* amotis Novi EUANGELII præconibus, pristinis Dominis, veterique religioni restituerat.

Poloni in  
Silesiam  
profugi  
pessime  
tractati.

Et profugi Poloni, quantis ibidem affecti contumeliis, quibus pressi, divexatique exactionibus, quibus cavillis, scommatibus, publicè appetiti fuerint, notum est, frustra hospitales invocantes Deos, quos in Polonia exules Silesii benigniores habuere. Audita & Suecorum triumphantium voces, Germaniæ bellum interminantes, ferebaturque nubem ingentem apparatu bellico raro hætenus viso gravidam, futuro apparituram Vere, quæ tonitrua, fulgura, ignes promitteret, certè non Constantinopoli, aut in Moschoviâ, sed alibi spargendos. Nec meliora sperare jubebat spretum pacis inter duos Reges conficiendæ *Cæsaris* arbitrium,

trium, ipsiusque Legatus contemptim habitus, & post longas moras, perque tot terrarum divortia tractus, tandem leviter expeditus.

Scio ego hæc aliter à Suecis narrari, & pleraque contraria inserta Memoriali Electori Moguntino à Suetico Ministro porrecto leguntur, quæ ad odium in Polonos concitandum, justam verò armorum causam asserendam pertinent: verum si seposito partium affectu, ad veritatis lancem perveniant, nullum pondus, nullamque sunt habitura æstimationem. Patet, patuitque Orbi, Poloniæ innocentia, quæ aliquando injustæ aggressionis convincet aliena appetentes.

Non mirum itaque videri debet, si *Cæsar* armorum in confiniis strepentium fonitu excitatus, eaque locorum vicinorum firmâ infessione præmonitus, aliquid suspicionis habuerit. A Rege Poloniæ in Ducatum Opoliensem secedente, nullus metus oriri poterat: namque exarmatus à suis desertus, vix centum virorum comitatu stipatus, bre-



vi interjectâ morâ, iterum ad suum redierat Regnum, nec exules Poloni, tam validi, numerosique habebantur, qui negotium facessere possent, observantibus eorum conatus Silesiis, prodituris procul dubio Sueco, præpediturisque, si quid molirentur. Quod verò postmodum inde prodierint, jam Patriæ amor, Regis obsequium, debitaque fidelitas, & Nobilitas ab hoste oppressa, hanc pusillam evocabat manum. Hospitii illis jus à Cæsare denegari non poterat, stantibus cum Rege Bohemiæ & Poloniæ veteribus pactis. Integra armatorum agmina, prout Rex Sueciæ scribit in suis ad Cæsarem literis, in illius Dominiis receptum habuisse, hoc verò non constat: integra agmina è Silesiâ in subsidium Sueci ivisse, prædas è Poloniâ abactas, ibidem depositas, distractasque, Duces Silesios insultantes Polonis, Sueticis victoriis applausum dedisse, hoc verò constat. Et hæc exilia Polonorum in Dominiis Cæsaris, ægrè tulisse Carolum ex iisdem literis patuit, cum adjicit. ¶ *Ut non sit mirum,*

*si*

Datis  
Straß-  
burgi  
Borussorum  
4.  
Junii  
1656.

*si nunc ad Silesiæ fines infesta arma concurrant & strepant.* Quasi diceret mox eo prætextu contra Cæsarem inferenda. Providere itaque vicinæ Silesiæ locis jussit, inde quasi Polonorum exilia ulturus, quâ munitione, quâ præsidiis.

Id verò quandoquidem Mellerus literis Regiis prolatis, Religiosis significare jusserrat, illi acceptis à *Kuklinovio*, quoniam non postremæ essent considerationis, diesque instaret Præsentatæ in templo Hierosolymitano, *Virgini* Sacer, responsum distulerunt. Et huic quidem sanctius colendo Patres incubuere, propitiam invocantes apud Filium *Patronam*, cujus *Sacratissimum Corpus*, intra propugnacula, mœniaque circumtulere. Ita postmodum ritè provocatis Sacris *Kordecius*, datâ ad Mellerum epistolâ, in hunc differuit modum: Sciret ille non esse Instituti Monastici Reges eligere, sed electos à Regni Proceribus venerari, cui igitur illi suffragium dederint, ei & se, suaque omnia & Locum Sacrum Regum patrocínio, devotioneque

Religiosi  
diem  
Præsen-  
tationis  
Beatæ  
Virginis  
summa  
cum pie-  
tate co-  
lunt.

Respon-  
det Kor-  
decius  
Mellero,  
ambi-  
guum  
Regis  
Sueciæ  
manda-  
tum asse-  
rit.

Cl.



Clarum, humiles dedituros, non ab armata coactos manu, (namque modestia Religiosa, viriumque imbecillitas Regibus contraniti vetat,) sed à piâ observantiâ communitos. Vidisse se mandatum Regis Sueciæ, & quoniam ad arcendam insolentiam, justum haberent præsidium, Monasterium verò unà cum Templo, antiquitus *Clari Montis* Cognomen obtineat, Oppidum verò *Częstochowa* / ad se nullatenus pertineret, proinde magnam sibi mandatum Regium ambiguitatem peperisse, quòd *Częstochoviam*, munitioni, præsidioque non Clarum Montem designaret. Orare itaque supplices, relinqueret pacatum Monasterium & Templum Deo ejusque *Matri Sanctissimæ* Sacrum, nec Divinum interturbaret cultum, Religiosamque pro Regis salute exorantium pietatem.

*Agrè  
fert re-  
sponsum  
Melle-  
rus.*

Eludi se Mellerus interpretatione REGII mandati intellexit, didicerat enim probè *Częstochoviæ* nomine Clarum Montem vulgò appellari, qui situ loci propugnaculis, Oppido exiguo, nullaque opportunitate com-

commendato potior esset, proinde commotior, tormenta expediri jubet. Quinque <sup>*Suggestus tor-  
mentarios  
cri-  
git.*</sup> suggestus tormentarios, diversis in locis imposuerat Mellerus: Primum Coenobio haud longè admoverat, collocatis machinis, quæ igneos ejaculabantur globos: Alterum paulum retrorsum, pagum versùs *Częstochowâ*, quatuor tormentis munitum: Tertium ampliorem omnibus, ad latus horum duorum Septentrionalibus propugnaculis imminentem ~~erexerat~~ projecto in cuspidem angulo corbibus vimineis, terrâ infarcitis munito, quos inter corbes, octo tormenta obsidionalia disposuerat, utque firmitus infixi insisterent, rigore hyemis usus, aquâ crebrò perfundi jussit, quæ gelu concreto, duratoque in tantum vimina, terramque solidaverat, ut & globi ab obsessis emissi resilirent, & obsidione solutâ non aliter inde moveri potuerint, nisi igne luculenter circumquaque structo, glacies eliquesceret. Quartum pari modo munitum Occidentali propugnaculo opposuerat. Quintus ad Meridiem erectus templo

I

qua-



quatiendo, inque ejusdem tecta & annexarum Sacrarum ædium flammis spargendo, permultum obsessis negotii, incommodique attulit.

*Tribus  
è locis  
Monasterium  
impetit  
nullo fru-  
ctu.*

Tribus itaque è locis, à Septentrione videlicet & Meridie intonuere tormenta, nullo muri, propugnaculorumque damno, aliquo tectorum, non tamen enormi: namque globi, aut à scopo aberrantes, aut prætervolantes Coenobium, aut à tegulis resiliences, parietibusque leviter allisi, cassò effectù decidentes, aut iis perterrebratis aliò avolantes, ab Obsessis Divinam adorantibus providentiam, spectabantur: Mellero vehementer anxio, quod nulla mœniorum strages edita esset, quæ subituris sterneret viam, aditumque aperiret, quamvis tribus continenter diebus Coenobium ac propugnacula crebrâ emissionè pilarum impetivisset. Nec pepercit noctibus egerendis fossis, quantum contumax rupes permittebat, accessibusque accelerandis intentior, non intermissâ interea frequenti ad infestandos obsessos tormentorum fulminatione. Atque

que iis, etsi constans, indefessaque hostes excipiendi esset alacritas, aliquid tamen sollicitudinis incussere candentes globi, ignesque sparsi. Namque Mellerus statuerat Monasterium, templumque incendere, eoque unico modo Monachorum expugnare pervicaciam. Nec omisit, siquidem ex utroque latere & noctibus præsertim ad terrorem augendum, igneas magna in copia emittebat pilas, & præsertim eas, quæ à Malogranato nomen habent, quod quemadmodum illud è numerosis constaret acinis, ita hæ ferreis globis quandoque & lapidibus infarctæ, igne concepto, accensoque dissilientes, tecta, murosque diffringerent, flammam excitarent, adferentque inevitabilem perniciem. Mira profectò res, quæque non sine ope Divinæ dexteræ evenerit, tanta quippe globorum, ignes attemperatè ferentium, sparsarumque flammarum multitudo, nec Templo, nec Monasterio noxa fuit. Agnovere Divæ Matris Patrocinium, adoravereque Religiosi, quæ sola cladem hanc avertit, ignesque extinxit: etsi etenim hinc &

*Incendere  
re Mo-  
nasterium  
vult.*

*Mira  
Dei pro-  
videntia  
defendit  
Coeno-  
bium.*



inde super tecta dispositi excubarent spar-teoli, qui impetus globorum observarent, observatosque tignis harentes, aut indicio fumi sese prodentes cunctis dejicerent, aut micantem ignem madidis opprimerent velis, tamen in tanta lignorum strue tectis præfertim Coenobii ligneis, aridam, siccamque materiam flammæ haud obtemperasse, prodigii loco censendum est.

Nec abs-  
que mi-  
raculo  
globorum  
resilien-  
tium.

Quin & illud, an non coelitus factum? cum aliquot globi flammantes Monasterium peterent, unus Ædi *Deiparæ* Imaginis Sacratæ impactus repentè resiliit, alter ad latus summâ vi tendens, resupino sese ad castra hostium referens volatu, ignes scintillantes in aëre sparsit. Audaciam illius à Sanctiori genio terræ allisam dixisses, hunc reverentiâ loci tactum, non ausum accedere, ad hostes reditum coepisse, ut discerent tandem justitiam moniti, nec temnere Divos. Tertius ab excubitoribus è tigno ædificii excussus, propè cunas infantis jacentis, cadens, noxias cohibuit flammæ, innocentiam, *Virginis* asylo tutam, non ausus corriperere.

pere. Liceat mihi Eusebii Emmisseni verba attexere: Quantum lætitiæ in præfenti obtinent merita Religionis, & Privilegia Sanctitatis. Ecce horrendum nescio quid, anhela-vère globi, extrinsecus sæviunt, intrinsecus parcunt.

Homi-  
lia I. de  
Epipha-  
niâ.

Atque interea dum arma strepunt, ferventque, *Musici* è sublimi turris pergula, vario instrumentorum genere *Hymnos* honori *Virginis*, ab Ecclesiâ dicatos concinebant, magno profectò Obsessorum solatio, accrescenteque inde majori fiducia, *Præsentis Dei Matris Patrocinii*, hostibus verò res primum mira visa inter fragores bellicos dulcis melodix sonus, post furor & indignatio secuta, quasi à Claromontanis illorum riderentur conatus.

Observaverant interim Claromontani Suecos, nullius eruptionis metuentes, in ejectis fossis securius agere, proindeque consilium capiunt magnanimæ excursionis ar-

Obseffi  
in Suecos  
erum-  
punt  
Duce  
Petro  
Czarnie-  
cio.



gumento, illos virtutis, sui que imperterriti animi admonere. *Petrus Czarniecius*, Vir ad militiam natus, multisque egregiis facinoribus, in hac Obsidione clarus, è præfidiariis subitum composuit agmen, aperta que intra muros secretiori portulâ, egreditur, jamque transmissis excubiis, non intellectus, rectâ ad fossam contendit, in cujus capite partem agminis collocat, partem intus secum ducit, rectâque in hostem nihil opinantem vadit, mox obvium quemque sternit, & primo quidem impetu rei tormentariæ, Præfectum ad quietem sese componentem, obtruncat, post aliquos Officiis militaribus insigniores, mactat, ceteros milites fistulâ ferreâ pluribus oneratâ globis percussos, trepidantesque aut conficit, aut fugat: ii verò, qui sese extra fossam ejecerant, à collocatis ibidem præfidiariis excepti, passim cæsi. Oritur interea è propugnaculis ingens clamor, reboant tormenta, scintillant longiores sclopi, hostis è propinquioribus Cœnobio stationibus consternatus, ignarus quid rerum id esset (namque Obsessos nunquam

*Cladem  
hostibus  
inferunt.*

quam erupturos credebat, suæ metuentes paucitatis) sese proripit, reliqui in turmas & agmina conglobati insomnes exegere noctem.

Redeunt præfidiarii victores, nec absque præda, multis hostium ultra gregariorum sortem peremptis, interque illos Machinatore bellico, & viro quodam excellenti de Fossis nuncupato, Wrzeszciewiczio summè familiari, inque militiæ gradu secundo, super cujus morte vehementissimè indoluit.

Sauciatus Hornius, quem ad suam Krepicensem Præfecturam deportatum superante curationem malo mors oppressit.

*Hornius  
Præfectus Kre-  
picensis  
saucus,  
moritur.*

Insuper ad suggestum tormentarium procurrentes, duo tormenta clavis ferreis in foculos impactis inutilia reddidère. Ex aggressoribus unus tantum desideratus, Janicius Hungarus, qui dum ex agmine solus, versus hostium castra longius progreditur, errore pro hoste habitus, glande à suis transfigitur. Itajam tunc *Czarniecius*, aliqua Suecorum prælusit clade, à cujus agnato majores



res inferendas propitium destinabat Numen.

*Mellerus  
à Vitem-  
bergio  
tormenta  
& peditum  
petit.*

Mellerus interea etsi minore spe aperiendi, per diruta moenia, quassataque propugnacula ad Coenobium viam, non tamen animo aut consilio destitutus, haud omittere coepta & simul adhuc aditum tentare statuit, majore quàm unquam vi: misitque ad Vitembergium, Sueticæ militiæ Supremum Ducem Cracoviam, ut inde tormenta obsidionalia plura, & peditatum acciperet, ipse verò mutatâ fossione, actoque cuniculo obsessos distingere jussit. Sed neque fossio, neque cuniculus processit: quippe rupes pertinax fodientium operam lusit. At longè efficaciorē intra Coenobium induxerat cuniculum, quin propè erat, ut præsidiariorum constantiam everteret, Suecisque locum aperiret. Submisit è castris, Equitem Polonum, judicio maturum, tantoque minus suspicioni obnoxium, quàm morum gravitas, vultus ad modestiam compositus penitus eximeret, imò Patres ad omnem humanitatem novo hospiti exhibendam

*Eosdem  
ad dedi-  
tionem  
per Equi-  
tem Po-  
lonum  
solicitat.*

pro-

provocaret. Et exceptus benevolè, sermones familiarius miscet, donec injectâ mentione de recenti Poloniæ statu satis deplorato, deditionem Monasterii facundius, quàm decentius suadere incipit. Incusat tristia Patriæ fata, dolet præceptum eligendi Regis suffragium, nobilissimam, potissimamque libertatis Polonæ portionem: exaggerat durum necessitatis telum, quo adaucta Nobilitas Regis Sueciæ fortunam adorasset, Joanne Casimiro, Regnum deferente, spernenteque; quomodo militiæ Polonæ robur jam Carolo militaret, Senatus, Procereſque Regem venerarentur, obniti neminem audere Divinæ voluntati, quæ Regnum universum in eum redeſſet statum. Vos soli Patres eidem reluctamini, quâ spe, quibus freti auxiliis? in his fluctibus immoti esse vultis, mox nisi vela submeritis, atroci tempestate submergendi. Cur potius ad Regiam non confugitis clementiam? cur vindicandam excidio vestro opponitis pertinaciam? Non decent arma Religiosos: solitudo, non bellorum

*Qui rem  
apert  
dub.*

K

stre-



strepitus vestri est Instituti, Reges à vobis obsequio, Religiosâ submissione colendi sunt, non efferâ, nihilque valiturâ contumaciâ irritandi. Non vult ire perditum Catholicam Religionem, ejusque immunitates, Sueciæ Rex, salvas, fartasque relinquit. Absit, ut Monasterium vestrum ruinæ, prædæque exponat, locum externis nationibus conterminum, munire, ipsa dictat ratio, & hoc illi unicum curæ. Monitos insuper vellem, si Mellerum admiseritis faciles, aliquam vobis offerendam esse pecuniæ Summam, dandam quoque & rei tormentariæ Præfecto amplum honorarium, ad quem è militiæ lege pertinerent omnia ex ære fusa, proindeque paratis redimenda nummis.

Non abs-  
que indi-  
gnatione  
aliquid  
Obsesso-  
rum.

Aliquos  
tamen  
corrum-  
pit.

Persuadentis oratio variè tenuit audientium animos, sed quia non sine Regis Joannis Casimiri contumeliâ, tum de omnium Procerum & Ecclesiasticorum spontaneâ deditio, apertum mendacium, indignationem nonnullorum magis, quàm assensum præbuit, alios tamen timori obnoxios, desperantesque Suada blandè loquentis cor-

rupit,

rupit, ita ut illi æquis cum hoste conditionibus componendi arbitrium deferrent. Sed *Kordecius* re propiùs inspectâ, veritus ne diuturniore consortio ad Obsessorum labefactandos animos, lentum virus spargeret, Oratorem hunc è vestigio absque responso dimittit, quod crastino die accepturus rediret: sed jam illud conceperat perditum primipilus, ejusque afflatu ceteri milites pestem non dubiam contraxerant, secretâ proditione in loci deditioem conspirantes. Id verò posteaquàm *Kordecio* innotuit ab iis, quos fides, pietasque sincera ab hac lue immunes fecerat, gliscentem seditionem subito opprimit, præsidarios verbis partim castigat, partim demulcet, ad extremum & largitione ad obsequium revocat, duplicato in Mensem stipendio, receptoque Sacramento, quo se mori satius, quàm loco cedere obstrinxerant. Authorem verò seditionis, cum aliis defectionis complicibus militiæ gradu movit, & è Monasterio exclusit. Ita prudentiâ *Kordecii* Coenobii Moderatoris oppressa in herbâ seditio, cautiorem

Præci-  
pue præ-  
sidiarios  
milites,

Quos  
*Korde-*  
cius ad  
obse-  
quium  
revocat.

Authore  
seditionis  
punito.

K 2

fecit.



Meliori-  
que ordi-  
ne indu-  
cto.

fecit. Namque coacto è Patribus, Nobilitateque consilio, cum brevibus de meliori ordine instituendo, majorique vigilantia adhibenda differuisset, mox Patres ætate proVectos, militiæque oneribus impares choro addicit (à quo tamen præsertim diurno, nec juniores excipit). primumque hoc agmen hostibus opponit, ab armis quidem haud metuendum, sed à Supremi Numinis, Coelitumque imploratâ ope, satis superque validum: Ceteros partitis cum milite laboribus, vigiliis, aliisque militari-  
bus munitis, propugnacula infidere jubet. Et post lustratos, recensitosque præsidarios, suisque inductos stationibus, singulis propugnaculis decem Religiosos, unumque sua cum familia Nobilem, eò quòd pauciores haberentur, imponit, simul & bellatores & inspectores futuros, qui militibus immixti, & illorum suo exemplo accenderent alacritatem & motus, gestusque tacitè observarent: tum verò unicuique propugnaculo duos libratores assignat, summoque cum imperio præficit, unum è Nobilitate,

EX

ex Religiosis alterum. Excubiarum Præfecturam contulit Patribus, Marcello Dobrosio & Zachariæ Małachovio, rei tormentariæ & reliqui apparatus bellici curam demandavit Petro Łassotâ / injunxitque, ut faces, è turri quandoque exponeret ad invitanda auxilia. Generalem verò armorum Præfectum dixit *Stephanum Zamoyscium*; Ensisferum *Siradiensem*, eique adjunxit Patrem *Ludovicum Czarnieciem*: Et aliorum quidem virorum Religiosorum, qui à Sacra militia ad prophanam tantisper adscripti, vires, animosque attulere, promptum mihi esset referre nomina, nisi *Kordecio* uberius in suo opere Sodalium suorum memoriæ consulisset; quorum & director & spectator fuit. Et hi quidem extemporanei milites suo cum Duce *Kordecio*, magnam apud posteros habituri sunt commendationem, laudemque, at multò majorem *Clarus Deipara Virginia Mons* admirationem, reverentiamque, cujus beneficio à *Paulina Eremita*, imbellis & solitaria turba, tam repentè spiritus Martiales hausisset,

K 3

hosti



hosti exercitato, bellisque innutrito fatales.

Atque hæc Kordecii vigilantia, inque omnes partes sese vertentis accurata sollicitudo, etsi omnem spem, cum hoste transigendi adimeret; decretumque sibi esset Clarum Montem etiam cum vitæ, sanguinisque dispendio tueri, consultius tamen duxit, injectâ aliquâ de conditionibus, quæ dediti-  
nem simularent, mentione, hostis impetum cunctatione frangere, distinereque ferociam; aut cum tempore languescentem emorituram, aut certe à subsidiis, si quæ benigna fors immitteret, reprimendam. Et in Coenobio plerosque à continuo metu anxios, imò omnia Sueticæ potentia permittentes, hæc simulatione Tractatum contineri expediebat, lenireque optatæ concordia haud diuturnâ expectatione. Jamque Nobilis ille hesternus Orator agrè in reditu ad castra à prætervolantibus pilis evitato periculo, iterum manè comparuerat; responsum accepturus. Tardius admissus, vultuque severiori exceptus, ambigua ad Mellerum verba retulit, adjecitque: *Isti Mona-*

Kordec-  
cius si-  
mulat se  
tractare  
velle:

*chi stulti sunt, temerarii & protervi.*

Sed jam aliud responsum Religiosorum par Stephanus Stavicius Sacrarum literarum Magister, & Marcellus Dobrossius ad Mellerum ferebant: à quo comiter accepti, auditique, quod de Tractatibus instituendis, conditionibusque ad æquitatis jura accom-  
modandis verba fecissent. Lætus enim verò hac promptæ voluntatis declaratione Mellerus, profert conditionum capita septem, traditque i. adjicit benevolentia, liberalita-  
tisque specimen, sex pisces grandiores, nomine suo Religiosis offerendos. Quæ verò super dediti-  
one Clari Montis proposuerat, ita se habebant.

Perque  
Ablega-  
tos men-  
tionem  
Tracta-  
tum in-  
jicit.

Gratè id  
accipit  
Mellerus  
& dedi-  
tionis ca-  
pita of-  
fert.

*I. Monasterium Clari Montis,*  
ejusque Patres & incolæ conce-  
dunt in dediti-  
onem & tutelam  
S. R. M. Sueciæ, cupientes in po-  
stèrum devotè & subjectissimè,  
non aliter ac decet subditos de-



votissimos colere ac venerari Sacram Regiam Majestatem. E contrario, renuntiant Regi Joanni Casimiro, hoc ipso & omnibus obligationibus Serenissimo Sueciæ Regi contrariis, nec committere volunt, ut sive clam, sive palam, sive opere, sive consilio, per ipsos, aut ipsorum nomine per alios *S. R. M.* ejusque Majestatis exercitui, vel Ministris ullo modo noceatur.

*Rursus Excellentissimus D. Generalis Locum tenens*, nomine *S. R. M.* Sueciæ, prædicto Monasterio, ejusque Patribus ac ceteris incolis, securitatem plenam promittit, insuperque cavet, non modò

modò Monasterium illud Clari Montis cum omni Sacra suppellectili, & mobilibus Patrum, ac ceterorum incolarum, ac Monasterii Subditorum intactum fore, ejusdemque redditus ex prædiis & villis ipsis relinquendos, nec insolitis contributionibus gravandos esse, sed etiam Religionem, ejusque exercitium, Processiones, Peregrinationes Sacras, & devotiones, quocunque nomine veniant, nullatenus turbatum iri.

*Pro majori autem securitate & tutela Monasterii & Fortalitii*, præsidium ex militibus *S. R. M.* Sueciæ imponendum centum quinquaginta sclopetariorum.



*Dictis Præfidiariis, alimenta & commeatus, necnon stipendia, non à Monasterio aut Patribus, sed à districtualibus Subditis suppeditabuntur. Mansiones autem extra Monasterium & cellulas intra murum & vallum, conficient, exceptis Officialibus, quibus honestæ habitationes in Aedibus concedantur.*

*Nobilibus & extraneis, sicut & omni præfenti militi præfidiario in Monasterio commorantibus, liber conceditur abitus, quemadmodum etiam vi honoris anteire tenebuntur, post deditionem factam, statim ex Monasterio exire, & mediâ salva guardia in*

I

fuis

fuis prædiis & domibus manere.

*Dominus Zamoyscius, Ensisfer Siradiensis, facultatem habebit pro sua personâ cum uxore & famulis manendi in Monasterio, aut liberè ad villas & prædia sua commean- di, modò ille ab imperio in milites præfidiarios, & omni hostili apparatu & conatu adversus S. R. M. Sueciæ abstineat.*

*Hoc ipso die post conclusam conventionem, Porta Suetico præfidio aperiatur & Domino Generali, cum aliquo comitatu libertas eundi in Monasterium, & lustrandi illud, concedatur, ipsum autem præfidium Monasterii simul excedat, nec à militibus Regis Sueciæ*

L 2

exa-



examinetur, quæ traditio Monasterii cras horâ octavâ matutinâ effectum sortiri debet.

Atque super iis Conditionibus colloquium cum Mello institui debuerat, ad quod *Zamoyscius* promptum se obtulerat, si datis obsidibus securitati personæ ipsius caveretur.

At cum imparem à Mello submissum Obsidem videret, fraudem veritus, à negotio supersedit. Iam verò Religiosi hesternâ comitate Melleri capti, non expectatis Obsidibus, ad hostium castra duos omnium suffragiis lectos, mittunt, *Matthiam Blesinium* & *Zachariam Matachovium*. Ii verò, peracto salutationis officio, ablegatos se à Superioribus suis significant, nullo instructos mandato disceptandi desuper iis, quas Mellerus proposuisset Conditionibus. Ad primum illarum caput, hoc tantum breviter dicere iussos: Serenissimo Regi, *Joanni Casimiro* renuntiare, eique omnem exuere obedientiam, Religiosos salvâ fide, salvâ conscientia

Redeunt  
ad Mel-  
lerum  
Ablega-  
ti.

Ad pri-  
mum ca-  
put con-  
ditionum  
respon-  
dent.

LX9

S. I

tiâ

tiâ non posse, (ad quos haud pertineret jura Regum examini subicere) antequam alterum Regem legitimè electum, more majorum publico edicto declaraverit, cuius id muneris est, Archiepiscopus Gnesnensis, Regni Primas, Primusque Princeps. Desertum ab aliis Domini ignominia non est, quod in exemplum trahatur, fidem illis constantem erga Regem mansuram, & cum vitâ tantum, ultimoque spiritu desituram. Ceterum ignosceret Mellerus nuntiis, si fortè minus grata apud illum deponerent, quandoquidem ea sibi Moderator Coenobii, unâ cum Religiosa familia ferenda imposuisset. Sed ille aliquâ se ludificatione trahi præsentens, Ablegatos è vestigio attineri imperat, duriorique mandari custodiæ, ludibriis, contumeliis exponit, supplicio terret, eâ videlicet Patrum severâ detentione, calamitateque à Moderatore Coenobii expressurus plenam facultatem de Conditionibus differendi.

Et hæc Ablegatorum detentio clypeus fuit, sub quo tutius suggestus tormentarios

L 3

cri-

Indigna-  
tur ille  
& Ab-  
legatos  
custodiæ  
mandat.

Interea  
excubias  
propius  
ad muros  
admo-  
vet.



erigerent, stationes disponerent, propeque muros excubias admoverent, à quibus jactatae blasphemiae in locum Sacrum, frustra spectantibus, audientibusque Obsessis; namque mortem Captivis interminatus fuerat Mellerus, si quid cladis, aut detrimenti obsidentibus interea è propugnaculis, murisque provenisset. Ferebanturque ad aures Obsessorum voces: Aut Monasterium ultrò dedendum est, aut vestris Monachis ignominiosè occumbendum. Nec cessabat Mellerus, unde quaque conquisitis terroribus, animos Obsessorum validius impetere, metuque quàm armis expugnaturum se Clarum Montem sperabat, seu verius colloquiis tempus extrahebat, donec obstinatos majore vi à peditatu & tormentis muralibus Cracovià advehendis, instructior aggrediretur. Itaque *Kuklinovium* ad repetendum colloquium submittit. *¶ Et quæ*, inquit, ille, *Cracoviæ Urbis ac Arcis cum vestro Monasterio comparatio? cessit*

*Kuklinovium ad repetendum colloquium mittit.*

*sit illa potentiae Suecorum Regis, nuperaque deditioe professæ est: non esse consilium, adversum tam præpotentem Dominum, cui cœli benignitas ultrò suos offerret favores. Quæ est ista temeritas, unam munitiunculam, seu potius Gallinariam sedem, paucò infestam milite, rudique, tum & Monachis imbellibus, pavidisque refertam, victricibus Suecorum armis opponere. Si spes aliqua superfuit subsidiorum, à Czarniecio Volsioque, jam hæc copiae ad Obsequium Regis Sueci transiére, uno illarum Tribuno capto, altero militiae Duce tempestivè se subducente, elapso: quem jam aut unde libera*

ra



ratorem adventurum expectarent? Itaque contumaciam potius poenitentiam redimerent, aut Sueticam indignationem, excidiumque loci, obedientiam, dum licet, atque obsequio anteverterent.

Hæc *Kuklinovius* jussu *Melleri* Religiosis ingesserat, quem consulto ablegaverat, ut & deditionem *Cracoviæ* inculcaret, & de intercepto *Volfio*, ejusque peditatu nuntiaret, tam recenti *Regis Casimiri* militiae Prætorianæ defectione auditâ consternandis. Et die sequenti captivum illum peditatum, suis immixtum copiis, quo numerum augeret, sub octo signis circum muros duci jubet. Vanâ quidem & probè intellectâ ostentatione, sed ut pereuntis Patriæ ultimi præsidii jacturâ, intuentium oculos everberaret, animosque Obsessorum præcisâ omnis subsidii spe deprimeret.

Transegerat *Stephanus Czarniecus*, Castellanus *Kijoviensis*, honestis conditionibus cum Rege

Captivum peditatum ad ostentationem circumduci jubet.

Rege *Sueciæ*, de urbe primaria dedenda, *Cracovia*. præcaveratque, acceptâ, firmatâque Regiâ manu sibi, *Volfio*, militibusque securitatis *Deditione Cracoviæ & Volfio capto breviter.* fide, certo dierum spatio præscriptâ, definitâque. Et ipse quidem in Ducatum *Severiensem*, Episcopatus *Cracoviensis* Dominum secesserat, inde ad Regem, *Joannem Casimirum* abiturus, *Volfius* vetus militiae Tribunus, & qui sub Rege *Vladislao* Ordines, summa cum laude, bellicâque gloria duxerat, lentius progrediebatur datæ fidei securus.

At lateri incedentium continuo hostes adequitabant, in speciem emissas legiones *Cracoviâ* securitatis causâ deducētes, revera ut captatâ occasione, & hoc unicum peditum robur, pluribus exercitatum bellis, *Joanni Casimiro Regi* abriperent, aliâs fidum, constansque. Et abripuere corruptis Centurionibus, ab his milites tracti in defectionem, alii fidi, innoxilque violenter adacti. Ipse *Volfius*, dum pactorum fidem Regio munitam chyrographo, præservidè exprobrat, nec dum elapso numero dierum, quem

M

de-



deditionis Conditiones præscripserant, fidei, animique præclarus, inque sui Regis constantissimus obsequio, captivus abducitur. Quamquam & ceteris Conditionibus Cracoviæ à Vitembergio statim illata vis est, ut veleo solo nomine, (quod à Suecis frequenter factum,) inconstantis, fluxæque fidei Sueticæ militiæ Præfecti malè audirent.

Et tamen Carolus Sueciæ Rex, in suo edito, ad Varsaviam, sive literis ad universam Nobilitatem datis, malam fidem Polonis objicit, iis verbis: ¶ *In Barbaris etiam gentibus rara licet reperiri exempla, quæ Vestrates nuper, in deditione Urbis Varsaviensis, contra pactorum conventorum tenorem, tam circa personas, quàm res admiscere.*

¶ Fatendum est detentum Vitembergium metropolim, ita postulantibus Regni Ordinibus multoties ob non servatam sibi fociisque fidem, impotensque Cracoviæ Dominium

A Vitembergio  
us  
infertur  
conditio-  
nibus.  
Sueco-  
rum fides  
ubique  
suspecta.

28. Ju-  
lii.  
1656.

Regis  
Sueciæ  
querela.

Ad  
gram  
responde-  
tur.

nium exasperatis, non à Barbaris petito exemplo, sed à nupero *Volsi*, quod ipsi, & multis etiam aliis in locis dedissent Sueci: proindeque hoc factum apud Sueciæ Regem veniam potuisset mereri. In res nihil admissum barbarè, profectò licuit sua repetere, cur non & rimari? non morosa equidem, (prout & non erat) indagatio- ne, quandoquidem prædæ è templis, urbi- bus, Nobiliumque ædibus inibi latuissent.

Atqui consultius erat, præviâ aliquâ pa- ctisque definitâ inquisitione, res ablatas restitui, quàm impositas cymbis per Vistulam persequi, indeque extrahi, prout olim jussu Alexandri *Farnesii* factum legimus. Is namque cum intellexisset à Clero Tornacensi & Primariis Nobilium, Mercatorumque aurum omne & argentum Civitatis, pretiosa quæque ad Divinum cultum, atque ad privatorum usum spectantia asportari, eaque omnia inter res, suppellectilemque *Principis Espinojæ*, per Scaldim cymbis avehi, jubet extemplò Tornacum cymbas remittere, remissis atque à Magistratu jussu *Farnesii* di-

M 2

scuf-

Strada  
libro.  
4. De-  
cad. 2.



scussis, ad suos res quæque Dominos adeo cum fide rediëre, ut ne uncia quidem argenti cuiquam deperiret. Et profectò nulla hinc imputata barbaries Magno illi Belgarum Camillo, quod Matronæ apud Belgas Clarissimæ suppellectilem excussisset, latentemque extraxisset prædam, quanquàm nullâ explicitâ deditiois Conditione definitam: Certè nec Polonis vitio vertendum est hostilium rerum examen, præsertim, cum Matronas Sueticas, quarum sexui plusculum indultum est, satis civiliter cultas, dissimulatâ etiam inquisitione ad suos remiserint. Unicum ego propono Lectori novum & singulare edictum Caroli Sueciæ Regis, non à Barbaris gentibus petito exemplo scriptum, evulgatumque: namque nec in veteri, nec in recenti Historia quidpiam simile, nec apud barbaras, nec apud civiliores nationes, haberi vix puto. Scio plebem spontè contra Dominos seditionem movisse, à Regibus in Nobilium, Dominorumque capita immissam, nescio: nisi fortè Triumvralis Proscriptio exemplum præbuerit,

*Durum  
Regis  
Sueciæ  
contra  
Nobilitatem  
edictum:*

*Datum  
Mariæ-  
burgi,  
8. Maji.  
1656.*

buerit, non absque probro pereuntis Imperii Romani ab Historicis recitata. De quo quidem edicto, pro mea modestia nullam appositurus sententiam, *Orbis Christiani* iudicio trutinandum relinquo. Id verò ita se habuit.

*¶ Quicumque Rusticus, vel Colonus inque Civitatibus vel Pagis degens, Nobilem aliquem, aut Dominum rebellionem contra nos contumaciter insistentem, sive vivum, sive interfecti caput attulerit, eidem, ejusque liberis, non solum libertatem personalem, & agrum, quem colit perpetuò immunem concedimus, sed etiam Nobilis, aut Domini sui capti, vel interfecti, reditus, qui ex Bonis ejus Hæreditariis annuatim profiscuntur, per sex annos, utendos,*

M ; fru-



fruendos indulgebimus: ac deinde ita cum illo agemus, ut probatæ operæ & promptitudinis ejus ex voto satisfiat. Si verò ex plebejis aliquis Nobilem rebellem capturo insignem operam navaverit, vel adjutarit, quamvis ipse nobis Nobilem non tradiderit, eum tamen posterorumque illius personas in data operæ pretium, non solum à tristi & dura mancipii sorte vindicabimus, sed etiam illum agrum, cui infidet, ab immodicis & indefinitis oneribus ad determinatam & justam conditionem reducemus, adeò ut nec Domino amplius liceat jus aliquod vitæ & necis, in eum ejusque posteros exercere, fed

*Captatio  
benevo-  
lentia  
rustica.*

fed etiam providebitur, ut secundum æquam proportionem annuæ exactiones & operæ ad temperatas leges referantur, recognitioque mediocris & moderata præstetur. De quibus singulis brevi singularem à nobis constitutionem juri Divino, rectæque rationi, quàm maximè conformem fieri curabimus, eandemque auxiliante Supremo Numine mediis à Deo & naturâ nobis concessis, ita manu tenebimus, ut Subditos nostros fidelitatis nostræ nullo modo poenitere debeat. &

Sed his breviter commemoratis, redeo ad Claromontanos, quos etsi deditio Arcis, Urbisque Cracoviensis, tum & legionum defectio, & Tribunus *Volsius* captus, vehementer

*Nec ferre legem  
in alieno  
Regno,  
nec eam  
manutene-  
re Deus  
& natura  
permittit.*



menter perculerit, tamen firmi & constantes solâ coelesti ope freti manebant, nullisque frequentibus ad nauseam usque Ablegatorum sollicitationibus, ad dedendum locum Sacrum flecti poterant. Unicum erat, quod illos angebat, videlicet injuriosa Patrum detentio, quos ut pristinæ restituerent libertati, omnem movebant lapidem, sæpiusque per literas cum Mellero agebant, non sine tamen querela juris gentium læsi, violatæque securitatis. Néc se inquiebant alienos esse à tractatu instituendo, modò æquiores offerrentur conditiones, suaque ante omnia detentis Patribus libertas constaret.

*Religiosos detentos Patrum malè habet.*

*Pro quibus eliberrandis.*

*Mellerum sollicitant, spe Tractatum injecta.*

*Unum ex iis mittit, ad deditionem sollicitandam.*

Fatigatus continuis Religiosorum querimoniis Mellerus, quas in modum libelli supplicis composuerant, adjectâ tamen dextrè non servatæ fidei exprobratione, seu quod verius censeo, auditâ tractatus mentione, (quod summè cupiebat,) hilarior, detentos Patres accersit, unumque ex iis Sacramento de reditu obstrictum, retento altero certò morituro, ni ille rediret, emit. Sperabat tot terroribus, minis, ac ostentato

tato armorum apparatu commotum, Religiosis deditionem persuasurum. Atque ubi accessit Monasterium, copiamque ejusdem Moderatoris habuit, suam pusilli animi imbecillitatem prodidit: nuntiat visa, auditaque; Sueticum robur, viresque immensè extollit, quibus propugnacula Claromontana incassum opponi exile tantæ potentiae obstaculum: adhæc famem, ceteraque Obsidionis incommoda memorabat. Ad extremum viderint, inquit, Superiores, è quorum manibus ob neglecta pacis consilia, sanguinem fusum, fundendumque ultor Deus requireret. Se quidem bono totius Coenobii vitam perlibenter devovere, velleque referre ea hosti, quæ unanimis consensus jusserit. Et remissus è vestigio ad castra, jam animosius mandata exponit. Moram tractatum Mellerum fecisse, quorum occasione ablegatos in mancipiorum conditionem redegisset, quæ utpote juris alieni, non sui à negotiis publicis arcèri solent. Si ulterius progredi liberet, restitueret illos pristinæ libertati, suisque redderet sociis. Quod si verò id minus placeret:

*Qui illam suadet;*

*Sed non persuadet, remittiturque ad Mellerum re infecta.*

N

En,



En, inquit, adsumus, pro integritate Monasterii, Locique Sacri libenter morituri, haud parci sanguinis, quem æterni Numinis honori devovimus. Aliud exspectabat responsum Mellerus, necdum tamen omnino desperans æquius sibi aliquando perferendum, mittit alterum & captivis Patrem pari de reditu obstrictum juramento. Nec is cunctatus, reditque subito nihil de mutata Religiosorum sententiâ referens. Tum verò impatiens Mellerus mortem utrique denuntiat, quam die crastino in furcam agendi subituri essent. Excipiunt intrepidè decretum Patres: *Cur non bodie, inquit, morimur? eadem, quæ & cras Deo, Regi, Patriæque victima futuri.* At dilato Supplicio paulò mitior, cum eodem mensæ adhibere vellet repudiârunt invitantem: *Non esse è dignitate Vicarii Generalis, eidem assidere, inter*

Ex Captivus alterum dimittit, neque ille ad mentem Melleri responsum refert. Exacerbatus mortem utrique denuntiat. Animo sum illorum responsum.

con-

*convivas mancipia patibulo destinata.*

Dum verò hæc agitantur brevis ab utrinque intercesserat armorum cessatio, cum Sueci noctu, majore quàm hactenus insolentia ad moenia procurrunt, stationes promoveant, excubias collocant: Mirari primum Obsessi inter inducias hæc fieri à Suecis, tum irati directis tormentis, ac majoribus sclopis, magnam vim lethalium glandium effudère, eaque plumbi tempestas per multis virorum, equorumque noxæ fuit, ceterosque insomnes fecit. Hoc repentino tonitru excitatus Mellerus, turbari incipit, brevi tamen quievit, ubi intellexit obsessentium causam processisse. Dissimulata interim irâ, inhibitisque suorum excursionibus, repetito cum Obsessis colloquio urget deditionem, iis, quas jam proposuerat, Conditionibus. Cum verò ii fidem in detentis Patribus desiderarent, eamque haud stabilem futuram in Conditionibus transigendis vererentur, objicerentque, tandem

Sub armorum cessatione Sueci hostile exercent.

Obsessi strenuè hostem arcent.

N 2

capti-



*Tandem  
derentos  
Patres  
libertati  
restituit.*  
captivos dimittit, suoque reddit Coenobio,  
faciliorem, ut rebatur, ad deditiōem viam  
aperiuros. Nec de dedendo loco, ultrōci-  
trōque agitari desitum est, Mellerum ad ne-  
gotium accelerandum & tempus & existi-  
matio stimulabat, Religiosi consulto trahe-  
bant moram, providebant namque, aut à  
rigore hyemis casurum hostem, aut cuncta-  
tione fractum illicò discessurum. Ad tracta-  
tus verò potissimum utebatur operâ Polo-  
norum, tanquam domesticis avibus, ad a-  
lios avocandos, attrahendosque forsā &  
Obsessos, aliquā occultā vi pertrahendos.

*Mellerus  
per Polo-  
nos urget  
Tracta-  
tus.*

*Iterum  
per Kali-  
num de-  
ditionem  
soliciti-  
tas.*

*Kalinus  
protervo  
sermone  
Zamoys-  
cum  
excipit.*

Atque post dimissos, liberatosque capti-  
vos Patres, eum urgentibus internuntiis  
deditiōem variis argumentis, objecto e-  
tiam metu à machinis obsidionalibus Cra-  
coviā adventantibus, *Stephanus Zamoyscius*  
responsum pararet, jamjamque dicere inci-  
pientem, *Severinus Kalinus*, Præfectus Bra-  
claviensis, Legionis Equestris Chiliarcha,  
interpellavit imperioso satis & protervo  
sermone. ¶ *An tu Zamoysci Nun-  
tium*

*tium te in Comitibus Polonis agere exi-  
stimas, ut sueto ingenii, verborum-  
que lusu & speciosis rationibus, man-  
dato Regis Sueciæ contradicas?*  
Et nobis æquè ac bonis Civibus  
Patriæ salus cordi est, cujus ja-  
cturam prudenter prævertimus  
ad Regiam clementiam, ejus-  
que Protectionem maturè nos  
recipientes. Desine tuis consi-  
liis Claro Monti perniciem ac-  
cerescere, virosque Religiosos ex-  
tremis objicere periculis, quo-  
rum sanguinem nullā unquam e-  
lues poenitentiā. Non tuæ opis  
est, damna refundere à tantis  
Suecorum copiis Coenobio, No-  
bilitatique illata, & amplius in-  
feren-



ferenda, tuæne vires infestis armis, jamque ad excidium Loci Sacri paratis resistent? Agite Patres melioribus insistite consiliis, alias impares Suetico furori, ruinam, clademque vobis ferenti. & Talia jactantem paucis repulit verbis *Zamoyscius*, ad crebriores verò *Melleri* missitationes procrastinationibus uti, tum & variis novisque semper injectis difficultatibus rem protrahi placuit. Et ut aliquid gratiæ *Melleri* concedere viderentur, qui condiciones ad nutum Religiosorum limandas offerrebat, dummodò sinerent præsidium Sueticum Monasterio imponi: se quidem haud gravatè de conditionibus transacturos pollicentur, modò eas primùm à Patribus ablegati Socii, Regi deferrent, manu, sigilloque ipsius firmandas, deque loci in posterum securitate, cum ipsa agerent Majestate. Tum *Mellerus* aliquid suæ auctoritati detractum reputans, spondet se id potius facturum

Religiosi  
procrasti-  
nationi-  
bus rem  
diffe-  
runt.

Condi-  
tiones  
Regi  
Suetici  
deferre  
volunt.

rum, exhibiturumque Majestati Regiæ eas condiciones certò approbandas, & è vestigio Religiosis transmittendas, quibus iter ad Regem multum temporis absumeret, non absque difficultate, discrimineque conficiendum. Urget ad extremum deditio- nem, præsidiumque ut recipiant, seriò monet: negant Religiosi, sufficientes sibi esse milites inquit, ad arcendam cujusvis insolentiam, servaturosque Locum Sacrum, si ita superis visum fuerit Regi Sueciæ tradendum: Calvinianum, Lutheranumque præsidium interea nullatenus se admissuros, quos inter & Catholicos perpetuas præviderent rixas, & loci contemptum, ab hominibus, ut moribus, ita religione disparibus. Nec literæ *Vitembergii* deditio- nem imperantes efficaciores fuere, proindeque iterum ad arma ventum.

Biduum tormentis majoribus *Ædes* Sacræ, tecta, moenia, propugnacula everberata nullo damno, silentibus uno die Obsessis, altero verò respondentibus pari fulminatione, multis hostium fatali. Sumpserant illi

Negat  
Melle-  
rus.

Religiosi  
Sueti-  
cum præ-  
sidium  
recipere  
nolunt.  
Quibus  
& *Vi-  
tember-  
gus* de-  
ditionem  
imperat  
literis  
*Crac.*  
*datus 21.*  
*Novemb.*  
*Impeti-  
tur Cæ-  
nobium,*  
*Obsessis*  
*acriter*  
*se de-  
fenden-  
tibus.*

ani-



Quos ad-  
ventus  
Sladko-  
vii ani-  
marvit,

Referen-  
tis de  
Quartia-  
—  
ad Re-  
gem  
Joan.  
Casimi-  
rum re-  
ditu.

animos ab adventu *Petri Sladkovii*, qui è Prussia rediens à Suecis interceptus, missus erat à Mello ad Claromontanos, ut dedicationem inculcaret, contrarium is fecit, evulgato insuper arcano, videlicet Supremi Polonorum copiarum Ducis, illiusque Generalis Legati ad Regem *Casimirum*, cum obsequio redeuntis. Nec Quartianos perlibenter Regi Sueciae adhærere, retulit, prope-  
raturusque ubi de adventu Regis Poloniae constiterit, illius causam propugnaturus. Ceteram quoque Nobilitatem nutare, inque omnes occasiones intentam esse, fessam divexationibus: quandoquidem Sueci, militari licentiâ, avaritiâque domos Nobilium invaderent, diriperentque, neque ætati, pudorive parcerent, in sepulchra & mortuorum quietem desævirent, in Sacra præsertim, Sacerdotesque furerent, conniventibus Tribunis, & ipsis militiae Præfectis palàm rapiantibus. Proinde bono animo Religiosos esse jubet, aliam Regni faciem mox visuros, habiturosque ab adventante Rege subsidia. Et ejusdem Sacrae familiae Sodalibus

lis *Antonius Paskovius*, per epistolam in Coenobio Cracoviensi scriptam, Patres per omnia Sacra obtestatus est, ne hosti æquas licet offerenti conditiones fiderent, neque illius se pollicitationibus, aut comitate capi paterentur. Neque enim illis credi posse, qui pacta conventa, firmata, publicâ transigentium fide fus deque haberent, impotenterque dominarentur. Atque eas literas *Hyacinthus Brzuchanscius* Civis Oppidi *Czestochowa* attulerat, inobservatusque ab excubiis, quas ementito Quartiani militis habitu fefellerat, intra moeniorum fossam conjecerat, voce tamen clariori significavit sex tormenta obsidionalia, cum ducentis peditibus Cracoviâ adventare. Quis crederet! & à *Scythâ*, homine aliàs barbaro, ethnicoque animatos fuisse Obsessos: is namque cum Quartianis ad Coenobium veniens, loci reverentiâ tactus, summo cum fervore, eodem constantiâ admonuit, neu hominibus exiguae fidei, (iis verbis usus est,) Locum hunc dederent, brevi summo cum dedecore abituris.

Obsessi  
ab Anto-  
nio Pa-  
skovio  
animan-  
tur, per  
literas à  
Brzu-  
chanscio  
allatas:

Et à Scy-  
thâ ho-  
mine a-  
liàs bar-  
baro.

O

Post



Tormenta Cracovia ad-  
ducta no-  
Elu a  
Suecis  
dirigun-  
tur.  
9. De-  
cemb.

Atrox  
oppugna-  
tio Clari  
Montis  
non abs-  
que da-  
mo.  
10. De-  
cemb.

Post frustra admissos, expeditosque de-  
ditionis Sollicitatores, tormenta Cracovia  
advecta, per tenebras à Suecis admoventur,  
tanto cum admoventium silentio, ut Ob-  
sessi non prius intellexissent machinas ve-  
nisse, quàm illæ sese ingenti boatu, sub no-  
ctis medium prodidissent. Et deinde à pri-  
ma luce sequentis diei duobus è locis oppu-  
gnatio coepta, perseveravitque eadem con-  
tentione, penè die integro: quanquam sub  
meridiem aliquid quietis datum, donec re-  
diret nuntius, qui à Mellerò iverat pereun-  
ctatum, an Obsessi meliora sibi promitte-  
rent, & Sueticum præsidium recipere vel-  
lent, sed ad crastinam deliberationem reje-  
ctus, hostium fervorem auxit, continuè  
Coenobium oppugnantium. Trecentis &  
quadraginta vicibus illo die explosa tor-  
menta fuere, qui attentius numerarent, pau-  
lò majori cum Obsessorum damno: nam-  
que inter duo propugnacula lorica muri  
quatefacta, decussaque est, & ædificiorum  
parietes rimam alibi fecere, tormentorum  
duæ rotæ fractæ, inque eodem propugna-  
culo,

culo, tres ex præsidariis cecidere, totidem e-  
qui perempti. Nec interim sibi Claromonta-  
ni deerant: nam & tormentis rotas submini-  
strabant, faxa, trabes, in subeuntes devol-  
vendas, terram, ligna, fimum, ad obstruen-  
dam muri loriam comportabant, & hæc  
quidem ab imbelli sexu, aliisque non impi-  
grè facta. Milites è propugnaculis majori-  
bus sclopis, hostium vicinas petebant statio-  
nes, certa cum ibidem consistentium perni-  
cie, ipsæque machinæ, qua hostis feriendi  
dabatur occasio, explosæ. Ac præter com-  
plures cæsos, tormentorum ministri quin-  
que accensi pulveris bellici flammâ, exocu-  
lati. Acciditque res memoranda. Erat in  
Orientali Clari Montis propugnaculo libra-  
tor tormentorum Germanus suspectæ fidei,  
quam in machinis librandis nunquam pro-  
baverat, cum derepentè hostili appetitus  
globo, sed qui tantum femur perstrinxerat  
livore cutis relicto, quasi à monitore stimu-  
latus, ut rem suam fidelius, attentiusque age-  
ret, mox ira mixta dolori accedente, li-  
brat tormentum satis feliciter, hostilemque

Obsessi  
strenuè  
hostem  
repe-  
lunt:

Non sine  
hostium  
pernicie  
& ma-  
chinas  
dirigen-  
tium.

Librator  
Germa-  
nus aliàs  
suspe-  
ctus, me-  
lioris fi-  
dei casu  
admone-  
tur.



machinam obsidionalem rumpit, pulverem bellicum dissipat, libratore eodem pilæ impetu discerpto.

*Mellerus  
transfert  
oppugna-  
tionem  
ad Occi-  
dentale  
propu-  
gnacu-  
lum.*

Atque post acerrimam ejus diei oppugnationem, cum se eâ ex parte parum adhuc profecisse Mellerus videret, transfert impetum, paremque contentionem ad Occidentale propugnaculum, quippe non satis validum esse à quopiam didicerat exploratore: Jam verò *Petrus Czarniecius*, consilio hostis præviso, subitanè munitione loci, aliàs debiliori, providerat, & post explosa multo- ties tormenta, irritâ operâ inglorius hostis quievit: eademque nocte compluria suorum cadavera spectavit: Namque urgente acri hyemis rigore ad succensos largius ignesa dmoti, mox à relucente flammâ pro-

*Noctu  
plurimi  
hostium  
sternun-  
tur.*

*Melleri  
ex sorore  
nepos in-  
terfici-  
tur.*

dicti, pilarum ictibus, designabantur, magno cum exitio, quod & postridie Mellerum manebat, nisi tempestivè exporrectus lecto interea nepoti ex sorore cessisset, quem in ipsius stationem advolans globus ibidem cubantem oppressit.

At Mellerus conceptam in Obsessos i-

ram,

ram, mox effusus, operi continuo insistit, promovetque obsidionales accessus versus Occidentale propugnaculum, rusticis ad opus compulsis, dumque illi noctu trabes, sed potissimum vimineos corbes quinque cubitis latos, fimo oppletos, ad suggestus tormentarios advolvunt, observati ab excubitoribus à nivisque candore aliquid lucis adferente deprehensi, tormentis, scelopisque appetiti, operas relinquunt, sed multo perfusas sanguine. Apparuit tamen sub primum diei crepusculum tormentum obsidionale, contra propugnaculum admotum, directumque, sed continuis globorum emissionibus, pulsus, fugatisque rei tormentariæ ministris, & ipsum fractum, metu Obsessos liberavit.

*Promo-  
ventur  
Obsidio-  
nales ac-  
cessus,  
magna  
cum ho-  
stium  
clade.*

*Tormentum bel-  
licum  
fractum.*

Ferunt hisce diebus præstigias aliquas ab hoste ad oppugnandum Coenobium advocatas: quippe surgentibus nebulis spissis, fœtentibusque tanta caligo aërem obtexerat, ut omnem Obsessis aspectum adimeret, hostibus verò ad appropinquationes operum sub ipsa moenia magnam daret opportunitatem.

*Præsti-  
gia ab  
hostibus  
in subsi-  
dium vo-  
cata.*



Dis-  
sipa-  
ta a Sa-  
cerdote  
precibus  
recitatis,  
cum ho-  
stium  
strage.

Orienta-  
le propu-  
gnacu-  
lum im-  
pugna-  
tur.

Joannis  
nomen  
Obsessis  
fatale.

tem. Quod quidem prout ab ipsis accepi  
Claromontanis, huic loco inferere non du-  
bitavi, illorum fidei innixus, praesertim  
cum a Sacerdote ad id designato, sacrorum  
vi carminum subito depulsa, non amplius  
comparuisse iidem retulerint. Tum verò  
& precibus, juxta Ecclesiae ritum, desuper  
tormenta, sclopos, bellicum pulverem,  
ceterosque apparatus recitatis, exarmati  
suis praestigiis hostes, illisque infernali atra-  
mento contra omnem vim ferri, plumbi,  
scriptis characteribus deletis, promiscue  
sternebantur. Et haec strages Militum aliò  
vertere oppugnantium impetum coëgit,  
itumque ab Occidentali ad Orientale pro-  
pugnaculum. Sed ut ad Occidentem Solem  
spes diruendi propugnaculi, moeniorum  
que conscripta fuit, ita & ad Orientem tot  
tamque crebris pilarum emissionibus exci-  
tata non revixit. Unica jactura fuit Joannis  
Adolescentis hostili perempti globo: Enim-  
vero fatale hoc nomen Obsessis fuit, quip-  
pe tres uno ictu primum, post quatuor, di-  
versis vicibus ejusdem nominis a globorum

vio-

violentiâ occubere. Et Mellero novus  
iterum supervenerat terror, cum illatus in  
ipsius stationem globus in interiore aedium  
parte, uni ex militaribus Praefectis familia-  
rius secum colloquenti, vocem & spiritum  
interclusit.

Continuae oppugnationis, pertinacisque  
molestia, inassuetos bellico furori, suaeque  
solitudini innutritos viros Religiosos in-  
genti afficiebat tædio, accrescebatque me-  
tus, tum a prosperis Suecorum in Polonia  
successibus, tum a pratervolantibus globis,  
ignibusque sparsis, exitium Coenobio mi-  
nitantibus, dejiciebantque magis imbelles  
animos trepidantium Nobilium clandestini  
sufurri, & nuper duorum, vel maxime, qui  
cum licentia Melleri, desperatis Coenobii  
rebus accesserant, ut unus illorum duas So-  
rôres Sanctimoniales, alter verò Conju-  
gem & filium inde abduceret, quibus cum  
id denegasset Kordecius (quod Mellerus omi-  
natus fuerat,) ut omnem suspicionem hosti  
de Obsessis, quasi jam desperantibus, con-  
sternatisque praeiperet, tum verò majus

Religiosi  
ex metu,  
tædioque  
diditio-  
nem ex-  
poscunt.

globos

exori-



Korde-  
cius tre-  
pidan-  
tium a-  
nimos  
confir-  
mat, &  
ad tole-  
randam  
obsidio-  
nem ani-  
mat.

exoritur Religiosorum murmur conque-  
rentium, deditioemque exposcentium.  
Quod posteaquàm sensit *Kordecius*, Coenobii  
Moderator, ex templò Patres, sociosque  
convocat: & quandoquidem illis ita vide-  
retur Locum Sacrum hosti permittere, di-  
versæque religionis hominum impietati  
tradere, iniquum tamen, neque sine piacu-  
lo foret, si nemo Religiosorum interea  
cultui Divino attenderet, inferviretque,  
& universi excederent perpetuo notandi  
probri deserti loci, tantà hominum ve-  
neratione celeberrimi, suæque fidei con-  
crediti.

Darent proinde confestim ii nomina, qui  
pro gloria DEI Virginisque Sanctissimæ honore  
remanere vellent: Sibi quidem & aliquibus  
decretum esse, fugere hæreticum consortium  
nullatenus ferendum. Alto defixi stabant  
silentio Religiosi: & cùm nihiletiam viri-  
tim requisiti responderent, tum *Kordecius*:  
Viderent jam, quam abominandam pror-  
sus rem cogitarent, suaderentque, & suo  
Instituto minimè consentaneam. Locum  
cedere

cedere hostibus, & quidem Coelitum cul-  
tui infensis, quid aliud est, nisi honorem il-  
lorum conculcandum præbere? Hicne est  
erga Deum amor? isne erga *Deiparam Virgi-  
nem*, unicam Patronam, clementem ac bene-  
ficam, gratus animus? confiderent tantum  
illius patrociniò, ejusque honori labores,  
vigilias, molestæque obsidionis incommo-  
da, tantisper dedicarent; nec se vano metu  
abripi sinerent. Ab illa universo Regno af-  
flicto solatium expectandum esse, illam ex  
hoc MONTE, veluti *Reginali Solio*, non de-  
futuram *Poloniæ*, cujus se *Reginam* aliquando  
professa est, & quæ secedente *Joanne Casimiro*,  
*Vicarium*, (si ita dicere fas est,) regimen suscepit,  
placatâ DEI irâ, hostibusque prostratis, fe-  
liciter iterum committendum. Esse & ex-  
ternæ opis satis ad propulsandum pericu-  
lum, stare pro moenibus alacres milites, suf-  
ficere apparatus bellicum, nec famem ex-  
timefcendam à provisâ satis superque re ci-  
bariâ; unicam tantum Patres hosti oppu-  
gnanti opponerent constantiam; resiliet fe-  
rocientis impetus, & quamvis universam

P

sub-



subegerit Poloniam, hoc in MONTE potentiae Sueticae mox ruiturae inscribetur.

*¶ Non plus ultra.*

Conquiescunt aliquantulum Religiosi:

Conquievère Moderatoris sui *Kordecius* cordatâ animati voce Patres, at non diu: quippe recurrente saepius pavore, redibant querelae, tædia, fastidia; indeque desiderium cum hoste transigendi, quæ quidem ne multoties, & cum nausea legentium memorare necesse habeam, paucis complector: Claromontem utrinque accerrimè oppugnatum fuisse, extrâ à Suecis, intus ab imbelli trepidantium turbâ, desperante, urgenteque deditionem, non absque motu quandoque & violentiâ.

Sæpiusque iterum tumultuantes coërcet *Kordecius*.

Verùm *Kordecius* cautus, ubique pervigil, & præsidiorum alacritatem accendebat, & Religiosorum, quâ authoritate, quâ crebris adhortationibus firmabat constantiam, & Nobiles motuum incentores gravibus reprimebat verbis, ita ubique & externis & internis implicito curis propitium adfuit Numen, & *Loci Sacri Virgo Mater Patrona*.

Interea Mellerus pertentatis ubique aggreg-

grediendi Coenobii modis, quo facilius iter invadentibus sterneret, mutato consilio, non tamen priore penitus omisso, ad Meridionale latus transfert oppugnationem. Eminet illa ex parte magnifica Templi structura, cui adhærentes Divis Sacratae aedes, in orbemeducta attolunt fastigia: hæc itaque illius meta fuit, ad quam tormentorum ictus direxit: Namque tecta Templi, ædiumque Sacrarum, ab igneis impetita globis, flammam conceptura sperabat, & ipsum Templum ob crebra altiorum fenestrarum interstitia, inter quæ muri exigua intercederet latitudo, converso illuc tormentorum impetu, quatefactisque continuè parietibus, procul dubio casurum exspectabat summo cum defensorum periculo: quippe in tam angusta loci area à ruinis tantæ molis opprimendorum. Sed à primâ luce ad meridiem continuæ emissiones pilarum, jactatque ignes, nihil profecere, unus tantummodò globus per fenestram advolans interiori Templi parieti allisus, cum perfracta muri parte, summo cum fragore pulverem

Meridionale Coenobii latus impetit Mellerus.



Religiosi  
e Templo  
fugantur.

excitasset, Religiosos, tunc Officio Divino intentos, in fugam coniecit, totius Templi ruinam, ut illis tunc videbatur, evitantes, Alter verò globus flammam ferens per terrebratâ portâ, trabem sublicii pontis & pendentes e muro sclopos disjecit, comminuitque.

Latomini  
ad excavandas  
in rupe  
fossas  
advocantur.

Atque cum ex hac aggressione nihil commodi Mellerus retulisset, exile verò damnum Obsessi, aliter adoriri murum cogitat, & siquidem rupes palam ligonemque aspernaretur, Olkusio claro argenti fodinis Oppido Latomos advocat, qui nocte dieque operi insudantes rupem cadendo excavarent.

Et à Coenobio remotius utcunque labor processerat, promovebantque operum appropinquationes sinuato itinere ad declinanda Obsessorum tela, verum ubi unius stadii intervallo muris ac propugnaculo Orientali, quod contra tendebant, adrepere, à pertinaciâ rupis moram faciente detinebantur, summâ ut cum difficultate molestiaque paucis in dies passibus progredirentur.

rentur. Quod dum illi faciunt, præfidiarii, duce Stephano Zamoyscio medio plane die, præsertim quòd in luce ab hostibus non timerentur, nuper per tenebras exagitatis, ideòque noctu cautioribus, per inobservabilem egressi portam e fossa erumpunt, tanta pernicitate, impetuque operas invadunt, ut omnibus cæsis, duo tantum furori se subduxerint: post in proximam hostium stationem sese intulere, dilapsisque fugâ Suecis, tormenta duo pari, quo antea fecerant modo, corrumpere, demum sublato clamore, hostes palantes insequuntur, cadunt, donec à numeroso superveniente equitatu repressi, sub propugnacula primùm, post intra ipsa moenia se recepere.

A Zamoyscio  
excurrente  
cadunt,  
& hostes  
e proximis  
stationibus  
fugantur.

Neque tamen Mellerus in continuo armorum fragore omisit occasionem interpellandi Obsessos de deditioe. Præbuit illam inventum à Quartianis argentum Cœnobii stagni immersum. Ii namque commodius piscaturi, aquas aliò derivarunt, detectoque mox fundo & argentum detegitur, pertinereque ad Cœnobium Clari

De Argentum  
Cœnobii  
in Stagno  
inventum.



Montis certis ex notis dignoscitur.

Abstinent militaris manus à rapina: magnam eo solo nomine, quia in militia raram emerita laudem Equestris Turmæ Kræczewi, cui is bolus obtigerat, & *Morskovius*, unà cum suis commilitonibus restituendi argenti spem fecerat, idem simili scripto docuerant, *Nicolaus Karminius*, & *Joannes Trupscius*, quorum famuli piscatores, hunc tam preciosum piscem attraxerant. Sed jam præmonitus erat *Kordecus*, ab *Alexandro Faroszewio*, qui in speciem educendæ Obsessæ Conjugis ad Coenobium adveniens, cum ortenus non posset, Suecis sibi adstantibus, sermonesque observantibus, cautè ad latus projecta schedula, argenti inventi notitiam aperuerat.

Offert illud Mellerus Religiosis, si in deditioem consenserint.

Et hæc quoque jam ad Mellerum pervenerat, perque Equitem Polonum, multiprius præfatus de suo erga Viros Religiosos affectu, quosve promptius haberet beneficiis ornare, quàm perditum ire vellet; nisi illorum hanc suam propensionem respueret pertinacia; pollicetur argentum inventum,

Coe-

Coenobio è vestigio restituendum, si deditioem non aspernarentur Obsessi, præsidiumque Sueticum reciperent, quod ille quantum fieri posset impositurus esset Catholicum, unà cum suo Præfecto *Duce Hassia*, viro bono & Catholico: ac multis suadenti deditioem Nobili, pluraque ingerenti respondet *Kordecus*: Magni se æstimare affectum, benevolentiamque Vicarii Generalis, sed de præsidio Claro Monti imponendo, ne cogitaret amplius, quo namque superinducto, inter Catholicos & hæreticos, perpetuam dissensionem præsentiret, nullamque peregrinantibus populis securitatem.

Respondet Kordecus & præsidium Sueticum penitus respuit.

Cui malo avertendo, inter Tractatus institutos, id se magnoperè à Mellero petiisse, ut huic, quod nunc est, præsidio, *Polonum præficeret*, à suis proponendum Religiosis, ita & Regi Sueciæ satisfactum & Loci Sacri indemnitati; pietatique *Virginem Deiparam* colentium, provisum fuisset, *Argenti restitutionem* oblatam mereri quidem gratiarum actionem, nisi beneficium duriori æstimaret

ret



ret conditione, nullo se, suosque tam vili pretio Clari montis immunitatem, libertatemque vendere, quam omni auro, argenti que, vita docente *Paupertate*. *Magistra*, prae haberent, vitaque ipsa cariorem ducerent. *III. MELLERUS :*

*Mellerus de hoc argento cum Quartianis contentio.*

Nec restituendi Argenti sincera mens fuit Mellero, hamum hac offa obductum objecit, ut Obsessos attraheret: namque ubi à Quartianis inventum intellexit, sibi è vestigio tradi postulavit, orta de super contentione cum Severino Kalinio, Chiliarcha Polono, obluctanteque, quod jure belli ad acquirentem pertineret: tandem sequestro interposito retineri permisit, relicta lite Regis Sueciae decreto decidenda. Interea *Quartiani*, nihil morati sequestrum, modica parte seposita, ad evitandam à Rege Sueciae difficultatem, de qua etiam transmittenda impofterum cavent, *Argentum Alberto Rychalscio Brzenicensi Præposito tradunt*, quod obsidione soluta Coenobii Moderatori integrum restituit, egregium erga *Deiparam* militiae Polonae pietatis argumentum. *III. MELLERUS :*

*Tandem illud post Obsidionem redditum.*

Sub-

Submisso hisce diebus *Cracoviâ* novo apparatu bellico auctior Mellerus, Coenobii oppugnationem magnis viribus destinabat, & Civis ille Czestochoviensis *Brzuchanscius*, literis in fossam injectis monuerat Religiosos, quantus illis instaret labor à formidanda, jamque instructa aggressione: recensuitque murales machinas, scalas, uncas ferreos, globos ignem ferentes, tela, aliaque instrumenta in copiâ nuper advecta. Atque hoc pietatis Officium *Brzuchanscium* penè perdiderat: namque indicio sacci nigricantis relictis, in quem aliquot pisces Religiosis dandos conjecerat, à candore nivis proditi, ab excubitore detectus sagoque militari, sub quo latuerat, exutus, tandem quaestionibus subjectus, in horas carnificis laqueum expectabat. Aliter *Deipara* rependit Clientis piam pro Monte Sacro sollicitudinem: jam enim à tortoris manu languenti, talem se illi spectandam prae-buit, qualis in Imagine Claromontana visitur, flexitque Melleri animum, ut quem jam suspendio addixerat, exiguo argenti pretio

*Novus apparatus bellicus Cracoviâ submittitur.*

*De quo nuntiat Obsessis Brzuchanscius.*

*Capitur ille à Suecis, torturus addicitur capite plendendus.*

*Liberatur à Diva Virgine.*

Q

tio



tiō contentus, saluum dimitteret.

Oppu-  
gnaturus  
Clarum  
montem  
Mille-  
rus, ste-  
rum Ob-  
sessos per  
litteras  
compel-  
lar. Da-  
tis 24.  
De-  
semb. Antequam verò oppugnationem aggre-  
deretur, placuit per literas Obfessorum ani-  
mos explorare, ultimòque monere: vel-  
lentne Clarum Montem Regi Sueciæ dede-  
re, an belli ultimam experiri aleam. Scri-  
ptæ verò hunc in modum erant:

*I. Quamvis nomine, jussu, & au-  
thoritate Serenissimi, ac Potentissi-  
mi Regis Sueciæ, Domini nostri cle-  
mentissimi, nostra adhibita, par-  
tim leniora, partim severiora co-  
namina, apud vos alicujus ponde-  
ris ac momenti fore fuimus arbi-  
trati, attamen & Regem & nos  
pertinacissimâ vestrà obstinatione  
spe frustratos, specieque ac præ-  
textu simulatæ ac iteratæ vestræ  
accordationis penitus clufos ha-  
ctenus*

ctenus nos experiri cogimur.  
Cum verò nihilominus Regia ea-  
que firmissima vestrâ non de-  
ferendi fortalitium stet sententia,  
pro qua exequendâ nostros in tan-  
tum cum Deo continuatos esse la-  
bores videtis, ut etiam jam tum  
vestros ad muros machinæ nostræ  
cuniculares quàmproximè accef-  
ferint, simulque requisitis aliis ac  
ignivomis bellicis machinis ante  
biduum Cracoviâ advectis ad do-  
lendam totius, & Cœnobii ever-  
sionem & vestri internecionem,  
nos instructos advertitis, utique  
& Dei & Regis nostri indolem  
imitaturi Christianâ mente extre-  
mâ, quæ sub manu sunt antequam

Cunicu-  
lis Obfes-  
sos ter-  
ret.



aggrediamur, vos per Deum ac Sanctam Religionem vestram, ultimâ vice tandem ac semel pro semper, hisce admonitos volumus, ut & loci Sacri & sumptuosissimi Templi ac ædificii, propriæque conscientiæ, ac vitæ ratione habitâ decenti ac morigerâ erga *S. R. M.* Sueciæ deditiōe, eaque sacris ac Religioni vestræ nullatenus detrimentosa, tum vestri, tum loci celebris incolumitatem, strenuè & ingenuè demum procuretis. Moram, quam solito more mutuis transactionibus imponere forsan quæritis, res præsens non patitur. Brevi igitur hisce perlectis, nos ut resolvatis, expe-

pediatifque ipsa suadet necessitas, Clementiam hancce Regiam ultimatò vobis oblatam, si pervicaci aliquâ vestra pertinaciâ, (quod haud speramus,) respueritis, nos sanè de totali vestri omnium interitu, Sacratissimique ac in toto Orbe Catholico decantatissimi Loci incineratione ac everfione funditus futurâ, ac tandem factâ, sanctè protestando coram Deo, Rege nostro, ac totâ Christianâ universitate excusatos cupimus, præsentefque fatis benevolas, ceu perpetuum, intra Regiam Sueciæ Majestatis clementiam, vestram obstinationem monumentum, toti mundo conspi-

Q 3 cum

cum daturi erigemus, imò quin vobis vestri de salute cura, sine laxa mora sit futura, nulli dubitamus.

*Qui nulli  
fuere ob-  
rupis per-  
tina-  
ciam:*

Quod de machinâ cuniculari innuit Mellerus, res hæc ad terrorem evulgata fuerat: namque aliquot militares Præfecti Suetici ad Claromontanos venientes, famam sparserant cuniculorum, terrentesque simul & miserantes afferebant: jam sub ipsis propugnaculis fossis excavatis inclusa bellici pulveris vascula latere: quæ subterraneâ viâ prorepens ignis mox accenderet, ultimâ cum Coenobii ruinâ, si Obsessi contumaces esse pergerent. Verum nota illis erat rupis pertinacia, quæ cuniculorum impatiens operas in cassum defudantes abegerat, vanaque jactantibus reponebant: Si suppositus latet intra Coenobium pulvis, cur non accenditur? cur tantopere urgerent deditio-

*Ideoque  
ab Ob-  
sessis va-  
nit as ho-  
stium ex-  
ploditur.*

nem, quæ in illorum esset potestate? agerent rem suam cuniculis, quandoquidem aperti Martis non succederent conatus. Et

Præ-

Præfidiarii audacter hosti insultabant: quippe Joannem Casimirum Regem è Silesiâ redeuntem Zyweccii constituisse certò acceperant: à quo et si subita subsidia sperare non poterant, tamen oppressam Nobilitatem mox ad reducem Dominum confluxuram crede-

*Eorum  
ab ad-  
ventu  
Regis  
Joannis  
Casimi-  
ri in Po-  
loniam  
major  
animus.*

bant, bellicque Duces rejecto Sueci obsequio Regem suum veneraturos: Proindeque Suecos novo dissentis negotio Clari Montis obsidionem soluturos. Atque majore cum animo licet semper impavidus, sibi que constans Kordecus ad literas Melleri respon-

*Ad lite-  
ras Mel-  
leri re-  
spondet  
Korde-  
cius, &  
aliquot  
dierum  
inducias  
petit.*

det: Agnovisse se multoties illius in agendo secum clementiam, satisque patientem & æquanimem, transigendi negotii finem hucusque expectasse, & quamvis non iniquum videri poterat, ut ad votum illius S. R. M. Sueciæ se cum Monasterio suo dedecet, tamen quia justissima sua postulata rejecisset, hanc se moram fecisse non à temeritate prolongationis faciendæ, sed à formidine immunitatis labefactandæ proveniente. Nunc verò tam benigna illius admonitione provocatus libenter præcisâ

omni



omni dilatione deditioem æquis conditionibus acceleraret, nisi festorum gloriosissima *Natalis Christi* solennitas instaret, cuius haberet rationem, sibi que humiliter petenti interea armorum cessationem concedere dignaretur. Daret quoque sibi ad Superiores recurrendi facultatem, quorum consilio, mandatoque accepto, finem Tractatibus imponeret.

Idem  
scribit  
Wrzesze-  
wicio.

Scribit etiam Comiti Wrzeszewicio, illiusque operam implorat in iis obtinendis, quæ Mellero proposuisset postulatis, inque procurandâ tantisper armorum cessatione, donec consulti Superiores suam illi explicarent voluntatem. Literas, qui ferret comparebat nemo, cunctis recusantibus officium, quod earum latores asperè tractatos vidissent, proindeque nolebant se hostium fidei suspectæ credere.

Mendica  
Anna  
Constantia  
litteras  
ad Mel-  
lerum &  
Wrzesze-  
wici-  
um  
fert.

Erat mulier ætate provectâ *Constantia* nomine, è mendicantium numero, intra fossas moeniorum toto obsidionis tempore, excavatâ in rupe latitans, & exiguo conductâ pretio, Domos obstantes defensioni  
suc-

succendebat, hostium pilas decedentes legebat, alimenta quæcunque conquieserat vendebat. Hæc perferendas accepit literas, nocteque egressa, ad Succorum venit stationem, primûmque à Præfecto excubiarum non sine risu excepta, mox ad Mellerum deducitur. Is quidem nullum tunc dedit responsum, cum Wrzeszewicii tantum epistola revertitur: in qua post exprobratam Religiosis pertinaciam, rejectamque Regis clementiam, dicit se permultum adlaborasse, ut justam Generalis iram leniret, ab ipsorum fraudibus, fallaciisque meritò provocatam, tandemque se armistitium impetrasse, diei unius, qui Christo nascenti sacer esset. Caverent tantummodò data fide Mellero, se postero die statim ad tractandam deditioem accessuros, ad extremum epistolam iis verbis conclusit: ¶ *Per Deum, Virginemque Sacram vos obtestor, ne putetis hæc me vobis in vanum dicere.* Experiemini proh dolor,  
R quod

Cum  
Wrze-  
zewicii  
tantum  
responso  
reverti-  
tur.

quod non speratis, nec putatis, si vobis hæc nostra oblatio placet, sine morâ responsum dent: nam hac nocte & cras vester adest interitus, quem ego impedire non potero, nisi ea, quæ superius vobis dixi, faciatis. &

*Hosti  
cessatio-  
nem ar-  
morum  
promit-  
tenti non  
fidet  
Korde-  
cius.*

Promittenti cessationem Armorum hosti, non adeò fidebat *Kordecius*: namque dies festos, maximè insidiis, obnoxios, vetus quoque militia notaverat, totus itaque in eam incubuit curam; observare Suecorum consilia & præcavere, Præsidarios obire, hortari, tormentorum libratores sui officii admonere, iisque homines strenuos operi illorum advigilantes, præficere, & aggressionis certus, jam de telis, trabibus, ingentibus faxis, è muro in hostem subeuntem devolvendis ceterisque ex usu militiæ rebus necessariis, satis providebat. Et minari quidpiam videbatur repentinum insolitus noctu in castris Suecorum stre-

strepitus, ignium accensorum, latèque colucentium frequentia, militum turmæ, ultra solitum majori auctæ numero, hinc & inde comparentes, quæ omnia sollicitos tenebant Claromontanos, ideoque attentos ac pervigiles & ad excipiendos hostes perquam animatos. Et quia nox erat *nascenti* dicata *Deo*, nihil tamen intermissum est à Divino Officio, sacra peragentibus Religiosis, summâ cum pietate, debitoque festi splendore, pariter de die, Divino cultui, attendentibus. Quem sub meridiem interrupit Mellerus, namque à Septentrione, muralibus tormentis, magnâ vi *Coenobium* impeti jussit, perseveravitque explodentium continuus furor usque ad vesperam, aliquo cum Obsessorum terrore: quippe pilæ perterrebratis Monasterii parietibus, ubique pervolantes, metum Religiosis incutiebant, sed maximè globi, ferro, flammaque gravidi, ejusque vi dissilientes, cladem, incendiumque ferentes, permagnam trepidationem concitabant. Tunc profectò quicquid à machinis ruinæ murorum, à can-

*Noctem  
Natalis  
Christi  
devotè  
celebrant  
Religiosi.*

*Die Na-  
talis  
Christi  
Clarus  
Mons  
acerrimè  
oppugna-  
tur.*



*Machi-  
na obsi-  
dionis  
muro ca-  
surum  
pitur,  
quæ fi-  
nem op-  
pugna-  
tionis ob-  
tulit.*

dentibus globis flammæ, cædisque expe-  
ctari poterat, summo conatu, pertinaci im-  
petu, exeruit Mellerus, donec sub vespere  
ram rupto, quo nullum majus fortiusque ad  
moenia concutienda habebat, tormento,  
diffilianteque & ipsa oppugnatio interrup-  
pta finem accepit. Abhinc siluere tormen-  
ta, quasi horrendus unius exitus, cetero-  
rum ora obstruxisset, ne amplius contra Lo-  
cum Sacrum blasphemos vomerent globos:  
Quanquam & Suecis instabat crepitor-  
dium, ab irritâ obsidione mox recessuris.

Et hujus quidem ultimæ oppugnationis  
acres conatus, Dexteram Excelsi repulisse,  
repressisseque, fatendum est: quandoqui-  
dem nec jactati ignes, nec multoties explosi  
globi, permultum detrimenti, cladisque  
intulissent. Imò mira de tormento rupto  
prodidère, qui præsentès, propiusque ad-  
fuère, quasi globus à muri pariete, in quem  
allissus fuerat, impetu retroactus, suam il-  
lam, è qua ejectus erat, machinam redux  
petierit, fregeritque occiso libratore. *Petrus*  
*Ofraśa* / Vir Nobilis, qui eo die commea-  
tum

*Mirum  
de hac  
machina,  
narran-  
te Petro  
Okraśa.*

tum in hostium castra advexerat, id palam  
asserere non dubitavit, certus ab inspecto  
globo, cum nec ejusmodi in Coenobio, nec  
tales insuper machinæ reperirentur, quæ  
tanti ponderis, ejusque magnitudinis pilas  
ferrent. Insolitum accidisse quidpiam Mel-  
leri animus, è suâ remittens ferociâ, detu-  
mescensque monstrabat: namque & à mili-  
te, & à copiâ rerum ad obsidionem, oppu-  
gnationemque spectantium satis instructus,  
veluti desperato successu eodem vespere,  
Patres Claromontanos compellavit, obje-  
ctaue primùm pertinacia, in detractata,  
multisque modis elusâ Regi Sueciæ subje-  
ctione, tandem duplex medium proposuit,  
iis verbis: ¶ *Aut fortalitium vosque*  
*omnes in Regis, ac Domini nostri*  
*clementissimi protectionem, aut*  
*præsidium hodie dedatis, aut Re-*  
*giæ suæ Majestati juramento sub-*  
*missionis, obedientiæ ac fidelita-*

*Melle-  
rus mi-  
tior Reli-  
giosis duo  
proponit  
media.*

*25. De-  
cemb.*

*Aut for-  
talitium  
deden-  
dum, aut  
lytrum  
persol-  
vendum.*

tis prius præstito in debitam satisfactionem pro diuturna illa obstinatione & damno, per hanc toti regioni illato, simulque in debitam imperii recognitionem, ipsissimæ Regiæ Majestati vos Religiosi, quadraginta millia Imperialium seu Thalerorum, vos verò Nobiles viri quotquot vestrûm sunt in fortalitio, viginti millia Imperialium sine ullâ morâ aut refragatione solvatis. Sic vobis missâ obsidione & de quietatione, & de pace sufficienter prospiciemus, simulque vos & vestra omnia de securitate certificabimus. Sin minus, & vos dilemma hoc tolerabile non actualiter

liter solvatis, neque in unam, neque in alteram harum inclinatis, aut utrilibet annuatis, ac subscribatis, ideóque omnem pacificæ transactionis conditionem excutiatis, scitote, quod licet nec verbum, nec ferrum, nec pulvis, nec ignis vos mitigaret, tamen obsidium vestri ac fortalitii, nullo modo propterea penitus solvendum, sed in confinio, & in circuitu trium miliarium, omnes Civitates, pagos ac villas, simulque omnes illorum Nobilium, qui in fortalitio contra R.M. Sueciæ morantur, ipsique refragantur, (quos nominetenus novimus cunctos,) possessiones ac bona, direptionibus,



bus, flammâ & igne funditus devastanda ac evertenda, imò in cineres, ac favillas redigenda trademus. Vos ipsi neque in fortalio perpetui, neque extra illud tuti existetis, sed pro tanta malitia & obstinatione, Busridis ara, ac Pericli tauro digna imposterum ubi, ubi offendemini, non ære, sed corpore, non nomine, sed sanguine luetis, adeoque æquali mensurâ pro merito tali retaliabimini. &

*Mellero  
poscenti  
pecu-  
niam e-  
gestatem  
opponit  
Korde-  
cius.*

Altero die *Kordecius* respondet: Felicius Mellero postulatam cessisset, si à principio Obsidionis eam proposuisset Summam, quæ salvis bonis, rebusque integris, colligi, acquirique potuisset. Nunc iis partem ab igne, partim à milite absumptis, indeque consecutam egestatem, omnem sibi contri-  
buendi ademisse modum, facultatemque

Regi

Regi Sueciæ nunquam se fuisse rebelles, (semper enim sibi constare erga Principes Religiosam observantiam,) quandoquidem Præsidium unâ cum præfecto Polono iustis ex causis relinqui petiissent, denegatum id, simulque & virtutis probandæ occasio sub-  
blata. Eò tandem rem devenisse, ut hæc re-  
pulsâ & summam Religiosis inopiam attule-  
rit, & Loco Sacro celeberrimoque gravem  
injuriam irrogaverit: de quo meliora im-  
posterum cogitaret Mellerus, habiturus Reli-  
giosos sui apud Deum memores. Jam *Wrze-*  
*sczewicio* scribit apertius, monetque non  
esse Catholici hominis loca. D E O dicata  
aggredi, armisque infestis oppugnare, tan-  
tò magis hunc *Deiparæ Imagine* celebrem,  
quam supplici cultu, olim adiisset, & nunc  
scire, remque sibi perspectam scribere, il-  
lum hîc aliquoties à lethali servatum casu,  
ope non dubiâ *Virginis*, pio affectu olim im-  
ploratæ: contineret itaque hostilem ma-  
num, beneficii *Virginis* memor, non diutur-  
nam aliàs, si contrâ pergeret, coelo expro-  
braturus patientiam. Atque iis literis ad-

*Wrze-  
sczewicio  
respon-  
det.*

201

S

jun-

Loco pe-  
cunie  
mittit  
imagi-  
nem Di-  
væ Vir-  
ginis  
Claro-  
montanæ  
& Hi-  
storiæ.  
jungendam fortasse aliquam pecuniæ spem  
expectabat Mellerus, sed ejus loco mittit  
exemplaria duo, *Historiæ Virginis Clairomontanæ*  
Germanicum unum, Polonicum alterum,  
insuper aliquot imagines è prototypo de-  
sumptas. Horum omnium latorem fecit  
*Constantiam* Suecis notam, minusque illorum  
contumeliis obnoxiam, si militares jocos,  
risusque excipias.

Varia  
diei  
Natalis  
Gratula-  
tiones in-  
tra pro-  
pugnacu-  
la factæ  
hostibus  
terro-  
rem, post  
admira-  
tionem  
concit-  
ant.  
Fam dies Divo Stephano Protomartyri sacra il-  
luxerat, cum mori patrio indulgentes Ob-  
fessi, gratulationem diei *Natalis Domini*, fe-  
storumque, cum felici appreciatione adornant:  
Usitatum namque tunc Polonis invicem  
sibi xenia dare, & accipere, & domesticæ  
familix heros aliquo officii genere salutare,  
remuneraturos obsequium, promptamque  
voluntatem Clientum. Primi itaque in Cœ-  
nobio comparuere *Musici*, qua voce, qua  
vario instrumentorum genere *Cænobii* Mo-  
deratori, Patribus, & qui è Nobilitate insi-  
gniores aderant, *Nati DEI festum* gratu-  
lantur diem, postque famulitii Monastici va-  
rios applausus, è propugnaculis, mœnibus

tor-

tormentorum fragor erupit, majorumque  
scloporum repetitæ explosiones, pilis in  
hostium castra volantibus. Ii verò rei novi-  
tate perculsi, ignarique, quò tam repenti-  
nus Obsessorum impetus tenderet, misceri,  
stationibus desertis fugam arripere inci-  
piunt. Sed jam exercitus Duces à Polonis  
patrii moris notitiam acceperant, nec sine  
admiratione erumpentem subito audivere  
fragorem, tantum videlicet Obsessis super-  
esse animi, ut in ipso belli fervore & Musi-  
cæ vacarent, & hilaria non intermitterent:  
indeque & apparatus bellici copiam, & præ-  
sidiariorum æstimantes alacritatem, cum  
hactenus nihil ad ipsorum processisset vo-  
tum, Obsidionem solvere parant.

Noctu itaque deducunt ex suggestibus  
machinās, ipsi verò diluculo exercitum mo-  
vent, suisque cum Præfectis, diversas in  
partes abitura agmina partiuntur. Et Mel-  
lerus Vicarius *Generalis* Petricoviam con-  
cessit, Dux *Hassia* Cracoviam, *Sadorius* Si-  
radiam, Comes *Wrzeszczewicius* Vielunium  
repetiit.

Tandem  
hostes ob-  
sidionem  
solvunt.  
27. De-  
cemb.  
Die fe-  
sto. S.  
Joannis  
Euang.

S 2

At



Obsessi  
Deo Li-  
beratori  
& Vir-  
gini  
Matri  
gratias  
agunt.

At Patres, Obsessique omnes, receden-  
tem spectantes hostem, *Deum Liberatorem*,  
Sacro gratiarum carmine adorant, & *Ma-*  
*gnæ DEI Matri* grates persolvunt, quod  
ejus ope, precibusque apud *Filium*, *Locus Sacer*  
conservatus, hostilem effugerit ferociam,  
neque permiserit se ex eo sacrilegè dejici,  
unde *totius Poloniæ unica spes* dependebat.  
Ac profectò consideranti mihi attentius,  
quæ in hac Obsidione evenerant, nihil hu-  
manis viribus, aut consilio dandum esse, cen-  
seo: Coelestis ea cura fuit, indeque evidens  
auxilium, non *Polonis tantum*, sed *universæ*  
*venerandum Christianitati*.

Verba  
hostium  
contu-  
meliosa  
in Des-  
pectata.

Ibant hostes *Clarum Montem* obses-  
suri, non tantum arma in excidium expe-  
dientes, sed impuri oris linguas acuentes,  
magnâ cum *Dei Matris* contumeliâ. Audie-  
bantur voces, (ut ceteras taceam, quas Hæ-  
reseon Schola profitetur, docetque.) ¶ *Vi-*  
*debimus hanc vestram Mariam, an*  
*vobis aliquid sit allatura subsidii.* &  
Præbuit illa se videndam, perstrinxitque  
impu-

impudentes oculos, imò multorum clausit,  
nihil aliud impofterum visuros, nisi æterna  
supplicia, miserorumque cruciatus, reliquit  
aliis, ut commilitonum crebra deplorarent  
funera, spectarentque turpis recessus igno-  
miniam, perpetuumque dedecus.

Et profectò visam *Dei Matrem* super <sup>Super</sup>  
moenia ac propugnacula, magno hostium <sup>moenia</sup>  
exitio, non referrem, nisi similia olim eve- <sup>ac propu-</sup>  
nisse, à magnisque prodita authoribus exta- <sup>gnacula</sup>  
rent exempla. Atque nuper *Blasius Vadovius* <sup>Beata</sup>  
*Coenobii Vierzovienfis*, ejusdem *Pau-* <sup>Virgo</sup>  
*linæ* familiæ Moderator, *Georgium Eichner*, <sup>appa-</sup>  
& *Arentium Lukman*, Sueticos Præfectos re- <sup>ruit.</sup>  
ferentes audivit, ab eo sedulo inquirentes:  
¶ *Quenam*, inquebant, *est in vestro*  
*Monasterio Czestochoviensi saga*,  
*quæ cæruleo amicta velo sæpius egres-*  
*sa Monasterii muros obambulabat*,  
*quandoque super illorum fastigia re-*  
*sidens ad cujus aspectum multi No-*  
*stratium concidebant exanimés, ita*

Hostium  
testimo-  
nium pro-  
batur.

ut ea prodeunte, vultum demittere ac  
operire oculos debuerimus. & Hæc ju-  
ratus Vadovius postmodum retulit, & passim  
id à Sueticis militibus evulgatum audivere  
Nobilium plurimi, quos inter *Nicolaus Bie-*  
*lavius*, è legione *Vencestai Sadovii* oculatos *Vir-*  
*ginis* conspectæ testes domi suæ habuit asse-  
rentes: ¶ *Mulierem cæruleo pallio*  
*vestitam sæpius prodiisse, contra*  
*quam, cum duo milites Silesii, fra-*  
*tres cognomento Dudzicii, de Villa*  
*Gerlachowa / oriundi collimassent, uni*  
*illorum sclopus faciei ita adhæsit, ut*  
*à Chirurgo excindi debuerit, alter*  
*toto corpore obriguerit.* & Quod si &  
ab ipso Militiæ Sueticæ Vicario Generali visam  
dicerem? certè testimonium à Sanctimoniali-  
bus Divi Domini Institutum professis, Petri-  
coviâ Czeſtochoviam submissum fidem fa-  
ciet, quæ suis hæc exaravere literis. ¶ *Do-*  
*minus*

Et à  
Mellero  
visa.

minus *Mellerus* diligenter, & at-  
tentè fuit contemplatus in Templo  
nostro, *Imaginem Claromontanæ si-*  
*milem*, & cum aliquam parvam  
ejusdem exempli donari sibi In-  
terpres illius petiisset, donatam  
ipse *Mellerus* ab Interprete acce-  
pit, inspectaque diligentius: ¶  
*Nulla modo, inquit, similis est Vir-*  
*gini, quæ mihi apparuit, tormentum*  
*contra me manu suâ direxit & in ter-*  
*ris, simili formâ videri, non est possi-*  
*bile. Cæleste quid & Divinum, quod*  
*supra modum exhorruì in Augustis-*  
*simo ejus vultu reluxit.* & Atque hæc fa-  
ma visæ super muros *Mulieris* obambulan-  
tis, tormenta dirigentis, tela subministran-  
tis, ab ipsis etiam emanavit *Succis*, ubique  
sparsa, per totam *Poloniam* hucusque perseve-  
rat. Et



Virgo  
Mater,  
prodigius  
& mira-  
culis  
semper  
clarissi-  
ma.  
Nicetas  
de Ma-  
nuele  
Come-  
no.  
Curo-  
palates  
de Joan-  
ne Ho-  
misce.  
Sunt  
Autho-  
res, qui  
existi-  
mant  
hanc I-  
magi-  
nem  
Clari  
Montis  
ab Im-  
perato-  
ribus  
vectam,  
dum  
Con-  
stanti-  
nopoli  
miracu-  
lis cla-  
reret.  
Strada  
libro. 7.  
Decad.  
2.

Et ego quidem ea refero *Prodigia*, tanto li-  
bentius, quo certior sum nihil hîc accidisse  
novum, cum semper ejusmodi mira proden-  
tem *Virginem Matrem* succedens sæculorum  
ordo viderit, maximo cum Orthodoxorum  
solatio. Quot illa peperit Victorias? Hinc il-  
lud cognomen iconibus Templis inditum à  
Christianis: *¶ Sanctæ MARIÆ de Vi-*  
*ctoriâ*, imò post devictos, debellatosque ope  
*Virginis* Hostes, ejus *Imaginem* Aurco in Curru  
triumphantis adinstar, magnis cum lætitiæ  
argumentis *Constantinopoli* vectam, ponè se-  
quentibus *Imperatoribus*, Græci Annales pro-  
didere. Quot Obsidiones solvit, Obsessisque  
extremè periclitantibus adfuit, *docent Historiæ*,  
& *unica* apud *Bomeliâ* liberati exercitus Hi-  
spanorum *Cœlestis Imago*, non sine gratâ in *Vir-*  
*ginem* pietatis significatione ad Posterios ema-  
navit: agnoscentibus Hæreticis periculum,  
è quibus *Dux* Hollachius, ereptam sibi victo-  
riam è manibus lamentabatur, nullâ, ut aje-  
bat, Hispanorum virtute, sed *soliùs Dei* nimis  
eo die se Hispanum professi. Et hæc ipsa *Vir-*  
*ginis*

*ginis Matris effigies*, cujus Claromontem Ob-  
sidione cinctum scribimus, existens Con-  
stantinopoli; Urbi præpotenti propitia sa-  
lutarisque fuit. Cum etenim à Saracenis ob-  
fessa teneretur, jam penè succubitura, cives  
verò jejuniis, orationibus dediti pugnarent,  
unus è Templo adferri illam admonuit, ei-  
que ab omnibus orationem in eum modum  
fieri: *¶ Sancta Dei Genitrix, quæ to-*  
*ties nos liberasti, libera nos modò de*  
*inimiciæ Filii tui, & in mari merge*  
*illos.* Audivit supplices, statimque confur-  
gens procella, omnes naves Saracenorum,  
aut fregit, aut merfit. Jam verò petulantis  
linguæ audaciam, manus impiè intentatas  
quoties ultus est *Matris Filius*, rigore, stupore-  
que artuum, mutilatione membrorum,  
cæcitate, & turpi, probrisque morte:  
Et si quid in hac Obsidione, prout retuli-  
mus tale accidit legentibus, non insolitum  
à veteribus recentioribusque patebit exem-  
plis. Obsidebat *Hallas*, non ignobile *Hanno-*  
*niæ* Oppidum, ubi inclytum est multa per

Via-  
cent.  
Bellua-  
centis  
apud  
Spinell.  
& Cani-  
sum li-  
bro 5.  
Cap.  
24.

Lipsius  
in Diva  
Virgine  
Hallen-  
si.

T

Bel-

Belgium fama Caelorum Reginae Simulachrum,  
 Oliverius Tempelius, cum è Calviniano grege  
 unus militaris scurra abscissurum se mulier-  
 culæ, (ita scelestus vocabat *Virginem*) nasum  
 minitabatur, vix hæc effutierit, ecce præ-  
 tervolans globus nasum illi abripuit, mo-  
 nuitque, ne sacra naso suspenderet adunco.  
 Clemens vindicta, quia in *Matrem Misericordie*  
 incidere, graviolem mereretur ita vo-  
 lente *Filio*, tulitque alter è gregariis Sueticis  
 tenebris, qui cum die suæ *Immaculatæ Con-  
 ceptioni* dicato, purissimum Solem horrendis  
 blasphemis obfuscare nititur, redeuntem è  
 pago *Thomæ Przerembsci* ad castra, interque  
 fatentes buccas adhuc turpissima convicia  
 ruminantem tormenti globus discerpit, &  
 quanquam à libratore aliò destinatus esset,  
 è terra, capto impetu hanc infestus, *Virginis*  
*honorem vindicaturus*, petiit metam.

Simile  
 planè  
 exem-  
 plum le-  
 ges de  
 Ryssel-  
 mano in  
 obsidione  
 Hallensi  
 apud  
 Lippium  
 citatum.

Clarus  
 Mons  
 miracu-  
 losè ab  
 hostibus  
 serva-  
 tus.

Verum quanquam hæc deessent miracu-  
 la, quæ tamen jam publica circumtulit fa-  
 ma, hostiumque ipsa confessio probavit,  
 unicum satis esset, inter tot decumanos flu-  
 ctus agitatam, oppressamque grandi pro-  
 cella

cella *Poloniam*, hunc unicum *Virginis Montem*  
 immobilem stetit, Suecorum aspernan-  
 tem potentiam. Et quidem nullis fultum  
 auxiliis, desperatisque, tum verò à paucis in-  
 fessam præsidiariis, Centum, videlicet Sex-  
 ginta peditibus, Quinque Nobilibus Polo-  
 nis, exiguoque illorum comitatu, à Mona-  
 chis Septuaginta, quorum plerique ætate  
 provectiori, imparesque militiæ fuere, aliis  
 tunc primum bellare discentibus, nec par  
 omnibus bellandi animus: quippe solitudo  
 Religiosa, exercitia, vitæ Monasticæ Insti-  
 tutum, Martialem spiritum non admittebat.  
 Hinc pavor, consternatio, ad unius tormen-  
 ti fragorem trepidatio, mox desperatio au-  
 cta ab aliquibus Polonis, ridentibus Pa-  
 trum constantiam, objicientibusque Craco-  
 viæ, aliarumque urbium deditionem, tum  
 totius Nobilitatis Regi Sueco subjectionem,  
 nec sine cavillis quandoque interro-  
 gantium, An Otthomanica auxilia Patres  
 expectarent? Et quanquam illi sæpius titu-  
 barent, metuque invalescente deditionem  
 urgerent, attamen à Sacrificiis, precibusque



audaciam resumebant: sperabant namque propitium futurum Deum, cuius cultum ne mortis quidem metu prohibiti defererent. Hostis verò insperatus discessus *eximia benignitatis Divinae indicium* fuit: Namque non minor erat Novem millibus Exercitus, Machinarum ad quatienda moenia copia, ceteraque ad instituendam oppugnationem necessaria suppetebant; Dux belli Clarus, expertusque proinde tam repentinus ipsius abitus, non ab humano, uti videbatur, sed à coelesti impulsus monito provenire debuit. Et cum permultos militum ea Obsidio, quam reliqui detestari, execrarique solebant; absumpsisset; multatum ignominia *Sacri Loci* aggressorem Ducem *Virgo Mater* dimisit, tanto majori animi cruciatu semper plectendum, quanto acerbiorum plagam existimationi suae inflicta, ab uno Coenobio haud probe munito, Monachisque Vir militaris accipisset.

*Mellerus irerato Clarum-montem aggredi vult.*

Atque exasperata illa multoties fuit ab exprobratione Militiae Sueticae Praefectorum, fortasse & ab aliqua Regis indignatio-

ne;

ne; proindeque deperditi honoris, famaeque iacturam reparare volebat. Jamque tria milia militum secum trahens Comite Wrzeszewicio & Sadovio suis cum turmis evocatis, Calissio moverat, perveneratque ad Wilkowieckum pagum tribus milliaribus Czestochovia distantem, quarto Kalendas Februarii, unde Sadovius *Kordecium* familiari compellat epistolâ, deque adventu Melleri addidit (fortasse ad terrorem,) & Duglassii; sed falso, nuntiat, idque Regis Sueciae mandato, qui cum Duce Prussiae negotio ex animi sententia confecto, omnem suo imperio subdi Poloniam vellet; maleque illum haberet, nupera Civitatis Vieluniensis ab aliquibus Polonorum turmis invasio; quae ut Claromontanorum instinctu facta fuisset, ita ibidem in vasoribus suum receptum praebuissent; proinde serio se hortari, ne latronibus hisce perfugium praeberent.

Quod si verò Patres protectionem Regis Sueciae ambirent, venirent magnâ cum fiducia Krepicium, non exiguum adventus sui fructum à Vicario Generali relaturi. Quod si

*De cuius adventu Sadovius Kordecium certiores facit Datis in Wilkowiecko 29. Jan. 1656.*

T 3

con-

contumaces esse vellent, pedites cum tormentis mox admovendos Coenobio, scirent.

Quingen-  
ti Equi-  
tes Sueci  
versus  
Clarum  
Montem  
procur-  
runt.

Literas Sadovii sequitur agmen quingen-  
torum equitum explorantium, quid in Claro  
Monte & circumquaque vicinis locis agere-  
tur, & an aliqua Polonorum laterent co-  
pia? fortè fortunâ incidunt in triginta Equi-  
tes Polonos, à Claromontanis versus *Oppi-  
dum Klobucko* / speculandi causâ emissos, qui  
tanto impares agmini; referunt sese, perque  
sylvas eluctati in patentem campum Coeno-  
bio vicinum hostem insequentem deductum  
tormentis objiciunt; qui globis aliquot è  
Septentrionali propugnaculo emissis, parvâ  
clade affectus, fugam arripuit; eaque ut expe-  
ditior esset, sarcinis etiam abjectis, terrorem  
de adventante Polonorum exercitu ad suos  
Duces ferens; qui motis signis Velunium  
sese trepidi recepere.

Fugiant,  
& Du-  
ces suos in  
fugam  
trahunt.

Occasio  
adven-  
tus Mel-  
lers Ze-  
gocius &  
Kulesza.

Neque ego existimaverim iteratò Clarum  
Montem accessisse Mellerum obsidendi aut  
oppugnandi causâ; etsi id Sadovius jactaret;  
sed evocaverat illius copias recens praesidii  
Sue-

Suetici Velunii clades illata cum ducento-  
rum militum interitu, ductoribus *Christophoro Zegocio* Praefecto Babimosten. & *Stanislao Kulesza* / accendente vindictam *Wrzeszcze-  
vicio*: qui ibidem penè captivus tenebatur,  
ni praedabundi militis licentia & aliqua for-  
sitán praepostera æmulatio, integram victo-  
riam corrupisset. Inde verò ambo Eque-  
strium turmarum Praefecti Claromontem  
concesserant, & *Zegocius* maximè petebatur  
ob necem *Lantgravii Hassiae Costeni* perpetra-  
tam, quâ de causâ à Suecis tanquam publicus  
Sicarius proscriptus erat, præmio ejus occi-  
sori decreto. Atque *Mellerus* illas Polono-  
rum copias, & si quæ adhuc comparerent,  
(jâ enim Polonia lacertos movere incipie-  
bat,) intercepturus veniebat, sed ne Clarum  
Montem iterum videret, utque repetitâ  
ignominia ad famam Poloni exercitus, qui  
nullus erat, *Krepicio* sese festinus ejiceret,  
id Divina effecit clementia. Nec amplius in  
Polonia Regi Sueco militasse postmodum  
fama tulerat; non quidem Regis deserta mi-  
litia, aut renuntiato obsequio; sed fatalem  
sibi



sibi locum averfatus, in Pomeraniam secessisse dicebatur, felicius alibi, quam in Regno Poloniae stipendia facturum.

Wrzeszczewicius iterum Claro Monte insidiatur.

Non quiescebat tamen *Wrzeszczewicius*, & postmodum binâ excursione Monti Claro insidiabatur, ac primâ quidem Kuleffii Equestrem turmam subito oppressurus, pridie Kalendas Martii mediâ nocte in Oppidum Czesztochoviense irruperat, sed Kuleffiani ab excubiis moniti, sub muros, propugnaculaque Coenobii tempestivè se subdlexerant, tormentorum patrociniò tuti. *Wrzeszczewicio* ultra progredi non auso. Alterâ jam audacior videri volebat, contraque Coenobium processerat; sed à trecentis Polonorum Equitibus repressus, triginta suorum desideratis, maturè receptui cecinit; amplius Clarum Montem non visurus. Atqui in eo conflictu *Petri Czarnieci*, animosa virtus enituit, qui in hostilem inVectus aciem duorum Praefectorum militarium ante signa procurrentium cæde, aliorum restrinxit furorem.

De Claro Monte fictitiae hostium literae.

Irrita *Clari Montis Obsidio* permultum detraxisse Suecorum famæ videbatur: quando-

qui-

quidem postmodum *fictitiis literis* alibi impressis eam reparaturi, Clarum Montem à Rege Sueciae expugnatum fuisse exteris nationibus imposuerunt.

Date. 21 Maji, 1657.

Possem hic ad longum referre fabulosum hoc *Scriptum*, sub titulo Suetici Praefecti Czesztochoviensis evulgatum, ni impostura jam *Orbi Christiano* nota esset. Longa ibi victoriarum series continetur, deque caesis Polonorum Viginti millibus, Lubomierscio fugato, Czarniecio saucio, innumeræ nugæ, mendaciaque sparguntur. Cum tamen nullus unquam conflictus fuerit, & Rex Sueciae conjunctis cum *Rakocio* copiis, transmissa *Vistula*, *Zamoscium* aggressurus, fortasse *Vitembergii* sui inde educendi causâ, tendebat, quo ne quidem tentato, nisi per unius proditoris literas, ad loci Dominum missas, *Bresciam* Lithuaniae urbem versùs deflexerat, eaque prodicione interceptâ, *Rakocio*que traditâ, cum per Aprilem, Junium, per aliquot Palatinatus exercitum circumduxisset, Cosacis & Hungaris, immaniter flammâ, ferroque sævientibus, tandem ad *Varjaviam* relicto

V

licto

licto suis cum copiis *Rakocio*, ipse Thorunium, mox inde in Pomæraniam abiturus concessit.

Ad Magieroviam, Kulskoviam.

*Rakocius* verò domum repetiturus in Rusiam properavit, ubi à *Czárniecio* ternâ affectus clade, compulsusque ad pacis consilia, mox ab irruentibus Tartaris exercitu, quâ deleta quâ in servitutem abducto, temerariæ invasionis, parumque prosperè cum Suecis initæ armorum societatis, poenas luit.

Et à *Lubomierscii* animosâ in *Transylvaniam* excursionem bonorum, fortunarumque excidio multatus est. Viginti millium Polonorum cladem, tres belli Suetici anni, non facile computabunt, nescio, an quinque millia ferrum Sueticum absumpserit.

Incant jam Sueci rationes & unius tantum medii anni, numerent cadavera, & quidem præstantissimorum militum bellisque Germanicis exercitatorum, tum & militiæ Præfectorum integros se amisisse exercitus probè deducto calculo videbunt. Nulla tamen hinc Polonorum jactantia, qui unicum liberatorem *Deum*, ultoremque supplices agnos-

agnoscunt & venerantur, cum tamen Regiomonti, Elbingæ, Stetini, & alibi terrarum fictitiis Polonorum cladibus impressæ schedæ circumforaneorum per compita vociferantium raucedinem provocaverint.

Nec sunt questi Poloni suâ nixi innocentia, de famosis libellis, mendaciis, calumniis: similem querelam deposuisse Regem Succiæ apud Gedanenses legi, in ipsius epistola, sed à fidelissima Civitate in elegantissimo responso ita excusatam. ¶ *Prodierunt sanè*

quæ vocantur *Novellæ*, de variis eventibus, sæpe non absque favore partium; aliquando, contrà quàm se res haberent, sed neque nos illas procudimus, uti ipsa Regia Majestas Vestra per se satis intelligit; neque prout nunc sunt tempora ordinarii Magistratus, commodè ea mutare, quæ ita

Res Succiæ conquiritur per epistolam ad Gedanenses de falsa impressione novorum. Data Stiblovix 14. Maji. 1656. Respondent Gedanenses.



fiunt, aut prohibere possunt ge-  
stientibus vtrunque partium fa-  
ventium animis, quod ipsi optant,  
aut cupiunt, sparsis rumoribus  
præsumere, affectumque suum  
declarare. Id quod *palàm notum*  
*est, Elbingæ, Regiomonti, Stetini,*  
*toto die fieri.* Sed jam bella ita constant, ut  
cùm milites armis, ceterorum in diversas  
partes animi abeuntes favoribus certent, &  
ut vaframenti stratagematibusque hostes  
sese mutuò conficiunt, ita illi falsâ quando-  
que novorum profeminatione & famam  
augent, & partium favorem, aut depri-  
munt, aut accendunt, ludicram, acrem ta-  
men quandoque pugnam exercentes.

Magna  
Dei Ma-  
tris bene-  
fica so-  
luta ob-  
sidione  
Clari  
Montis  
expen-  
duntur.

Sed me altius progressum occasione fa-  
bulæ Loci Sacri expugnati iterum revocat ad-  
miranda Coelestis benignitas; quæ Dei  
Matris ope, ex hoc Monte universæ affulsit  
Poloniæ. Posteaquàm enim hoc Poloniæ Capi-  
tolium,

tolium, non absque miraculo, prout retulimus,  
Regni totius ruinæ superfuisset; inde Deipara  
Regina Poloniæ, è Regali suo Solio, exorato, pla-  
catoque Filio subito suum exeruit Imperium,  
redditura mox Patriam, & Victoriâ, & anti-  
quum belli decus amissum.

Ac inprimis damnatâ pactione, quæ in-  
ter Regem Sueciæ & Quartianæ militiæ  
Duces, ab inferiore juris Magistratu facta  
fuisset; Patriam ferro recuperare jubet, in-  
ditâ coelitus Ductoribus mente, qui tertio à  
solutâ Clari Montis Obsidione die Tyssovie-  
ciis arctiori sese foedere, unâ cum milite Nobi-  
litateque consociant, tabulasque foederis confi-  
ciunt, Joanni Casimiro, legitimo Regi ac Domino,  
subtractum iniquè supplices restituant obse-  
quium: Regem Sueciæ hostem declarant,  
solum Patriæ deforme bello, & omnia quæ  
defendi, repêti ac ulcisci fas est; sibi mu-  
tuò spondent. Et hoc illis provenisse desu-  
per Spiritus, Matrisque Dei instinctu, argumento  
est. Inter mutui vinculi causas, repudiata-  
que protectionis, hæc prima Regi Sueco

Confe-  
deratio  
Tyssovi-  
cen:  
29 De-  
cemb.  
1655.  
Tyf-  
sowce  
Oppi-  
dum.

Repu-  
diatis Re-  
gis Sueci  
causa op-  
pugnatio  
Clari  
Montis.

objecta: ¶ *Basilicam Czestochovien-  
sem non in Patriâ duntaxat, sed per  
orbem Christianum votis, & piis  
peregrinationibus celeberrimam,  
aliquot millium exercitu cinctam,  
sacrilego ausu oppugnat, & mœ-  
nia tormentis concutit; diripien-  
di causâ thesauros, Dei cultui sa-  
cros: atque ut diruto hoc in Deum  
& Sanctissimam Matrem pietatis  
nostræ fundamentò, ausu majori  
ad eliminandam prorsus de Regno  
fidem Catholicam, progrediatur,  
& in ejus locum introducat ho-  
mines peregrinos, novis & diver-  
sis inter se de religione opinionibus  
tumultuantes.* ¶ Audito foedere &  
reliquæ Quartianorum legiones, quas Rex  
Sue-

Sueciæ in Prussiam duxerat, pari tractæ re-  
ligione, coelestique monito, Obsequium  
per epistolam ad Regem Sueciæ compo-  
sitam, transmissamque, renuntiant, redeunt-  
que ad suum Principem, reditus causam iis  
assignantes verbis: ¶ *Nunc redeunte  
Serenissimo Rege, Domino nostro  
Clementissimo, non tantum datæ Ele-  
cto, per nos & Coronato Principi,  
fidei memores, verum etiam gravio-  
ribus violatæ Religionis & Liberta-  
tis compulsi injuriis, eâdem fide du-  
ctrice nitimur.*

Ex lite-  
ris ad  
Regem  
Sueciæ  
datis à  
Beata  
Podla-  
chiæ Op-  
pido, 20  
Januar.  
1656.

Hujus Montis defensi miraculo excitatus  
Joannes Casimirus Rex; cœlesti fretus, fidenque  
auxilio, feliciter è Silesiâ redux Crosnam, post  
Samboriam, deinde Leopolim advenerat, ubi  
hostibus iturus obviam in Templo Urbis præ-  
cipuo, ante Aram Principem, voto solenni emis-  
so, se, suaque Dominia Virginis Deiparæ cul-  
tui, Patrocinioque mancipavit. Erexit prostra-  
tam

Rex Ca-  
simirus  
Leopo-  
lim ve-  
nit, se,  
Regna-  
que sua  
Virgini  
Matri  
manci-  
pat.



tam humili prece Majestatem, pedibusque *Reginæ Cælorum* advolutam, propitius *Filius*: observatumque est ab illo tempore fortunam Suecorum retrocedere incepisse. Namque ubi *Carolo Gustavo*, Sueciæ Regi, adventus *Joannis Casimiri* Regis innotuit, summâ celeritate tracto auctoque exercitu è Prussia in Russiam cursum direxit; ut & Regem coalescentibus viribus, necdum validum, opprimeret; & Quartianorum Militiam, cui aspera minitabatur, veluti fugitivam, interciperet. Primumque experimentum *Poloniæ virtutis* ad *Gotebium* habuit; inde *Zamoscium* Civitatem munitione firmam progressus, tentatâ deditioe, deinde expeditis tormentis in cassum oppugnatam, reliquit; tum verò *Leopolim* adire non ausus, *Præmissiam* versùs iter flexit, ad quam, acceptâ clade, *Iarostaviam* signa promovit, tergo inhaerentem, ubique habens *Stephanum Czarnieci* feliciter agmina ipsius profligantem. Tandem mutatis sæpius castris, cum propè *Sandomiriam* ad *Vistulam* magno obnoxius periculo, (si interea fata *Patriæ* plenam felicitatem com-

Regis  
Sueciæ  
fortuna  
retroce-  
dit, ubi-  
que cum  
ipsius  
clade.

commodassent,) confedisset, cum exercitu crebris cladibus valde imminuto, simulque tot adversis conflictatus; *Varsaviam* Aprili medio, inde in *Prussiam* profectus est.

Maximè verò Clade *Varecensi* consternatus; namque *Stephanus Czarniecius*, Castellanus *Kijoviensis*, audito Raitrûm copias, à recenti in *Germaniâ* delectu eductas, Duce *Marchione Badensi*, in subsidium Regi Sueciæ adventare; quibus & aliæ Suecorum turmæ è præsidiis, stativisque detractæ, se conjunxissent: statuit, antevertere properantia auxilia, ipseque festinato itinere, transmissoque nando fluvio *Pilcâ* / ad Oppidum *Varfâ* / hybernis aquis aucto, intumescen- teque, hostem aggreditur, dissipat, cædit, fugientem insequitur, & fugam ad octo milliaria extensam *Varsaviam* usque cæso- rum cadavera, equorumque monstravère: tandem ad satietatem cæsis, deletisque aliquot millium copiis, (quatuor fuisse constit,) signis relatis, maximum equitatus ro- bur, magnamque ab accessoriis viribus

Ad War-  
kam ex-  
ercitus  
Suecicus  
profliga-  
tur à  
Steph-  
Czarnie-  
cio, Ca-  
stellano  
Kijo-  
viensi.



spem, nec tam properè reparandam Regi Sueco detraxit.

*Minoris  
Poloniae  
Nobili-  
tas ad si-  
gna evo-  
cata con-  
fluit.*

*Dies re-  
surgentis  
Christi  
univer-  
sae Pola-  
niae la-  
tissimus.*

Et jam *Minoris Poloniae Nobilitas* in armis erat; cujus animatae, evocataeque ad Obsequium Regis, Georgio Lubomierscio fidei erga Regem, Patriamque præclaro Regni Marschalco, non postrema debetur gloria; omnesque velut ad commune incendium convolabant, ceteros suo exemplo tracturi. Ita cum *Resurgente Christo*, revixit *Poloniae Libertas*; qui ubi subactis inferis, *Victor* trophæa explicuit; quasi ad attactum sui gloriosi *Vexilli*, Regem, universamque *Nobilitatem* admisisset: ita mox explicata *Polonorum* signa, feliciter emicuere. Nec sine aliquo futuræ, redituraeque felicitatis præfagio: siquidem is, qui ordinem Divini recitandi Officii, pro Anno Millesimo, Sexcentesimo, Quinquagesimo, Sexto, Clero *Cracoviensis Diæcesis* præscripserat, cum ad festa *Paschatis* annotanda venisset, ultra consuetum morem adjecit. *Dominica RESURRECTIONIS & VICTORIÆ.* Atque *HOC* additamentum verbi *VICTORIÆ*, etsi plerisque

risque admirationem peperisset; nunquam aliàs apponi solitum: tamen à meliori genio profectum fuisse *eventus docuit*. Scribentis Calamo *fatidicum* immittente *spiritum*.

Sed hæc, & quæ postmodum in Polonia gesta sunt, uberiori, accuratiorique *Scriptorum narrationi* relinquo: mihi verò hæc paucis attigisse sufficiat, occasione *Clari Montis*, à Suecorum exercitu *Obsidione cincti*, indeque promanantis singularis *Magnæ Dei Matris Beneficii universæ Poloniae* collati: Quod quamdiu *venerabunda* agnosceret, quamdiu debito, singularique prosequetur cultu; tamdiu *duraturi Imperii Divinum pignus* habebit, nullasque *Conjuratorum Hostium* metuet phalanges, à *Clypeo Clari Montis MARIA* protegenda.





illud admirationem peperisset: nunciam  
aliis apponi solitum: tamen a meliori genio  
profectum fuisse evenus docuit. Scribentis  
Calaneo fuisse immittente spiritum.

de hac, & quae postmodum in Polonia  
gesta sunt, uberiori, accuratiorique scriptis  
non minus recte, quam hoc paucis  
attigisse sufficit. A sua  
corum exequio  
manu  
Berne  
quand  
un de  
n: tam  
nuf  
la  
lang  
procedat





West Colon  
Copper



